

光緒江西通志

江西通志卷八十二

建置略六

書院二

社學附

廣信府

信江書院在府城外鍾靈橋南黃金山麓康熙間郡人

因知府張國正生祠改建榜曰曲江書院五十一年知

府周錚元易名鍾靈講院

李光地記文明之運始於國

苟其設誠而推行之雖微上之振起士君子固不忍怨

其民也況在蒸蒸作人之世乎文翁之於蜀退之於

潮當時兵革猶未盡偃而巴巒之西嶺微之外僻深荒

遠素未耀乎光明二公者皆以太守爲吏民師能使入

士奮興俗化移易前史稱賢焉今天子撥禍亂

一經術可謂恩明意美矣而守土者或推行之未至或

以文具推行而設誠之未篤無論僻深荒遠文教闕焉

雖以聖哲居游之區時世之未遠風流之未墜罕能尋

搜章表以爲邦人勸者豈賈生所謂移風易俗非俗吏

所能爲者邪江西故人文地在宋廬陵受臨川南豐諸子
爲文章宗師濂溪明道伊川於此相授受焉南渡後有
陸氏兄弟以學行與朱子道義相切劘而朱子趨朝來
往必由信州取道故玉山之講鶯湖之會道脈攸繫迹
在此邦文獻不彰緒風亦歇有志之士仰止高山亦何
從而游憩焉太守周君嵩山慨然遠覽旣訪玉山鵲湖
遺趾檄其屬邑興修百年茂草屹爾宮牆而有泉林之趣
佳處創爲鍾靈書院臨溪環山在闔都而有泉林之趣
招致士之秀者近百人講肄其中又以爲文翁在蜀相
如爲之師退之在湖趙德司其教不遠千里求宿學者
督率身則以時省視而作興之先時郡士科名寥落自
書院立明年卽有首舉於鄉者後遂連年相踵起故曰
山川之秀有閒之者也人文之盛有倡之者也人地之
鍾靈無絕期非開而倡之則或百年而不相值嗚呼此
余所爲於君有感也雖然科名其小者爾生聖人之世
被聖人之澤當勉爲德業之彥共定太平之基此去廬
山之下有白鹿祠焉朱子之規陸子之講班班猶在也
取與玉山講義玩思而服行之使賢太史之迹他日於
蜀潮而有光是則師生之賢
亦邂逅執筆者所倦倦云
乾隆八年知府陳世瑄作一
增
充拓之作樓祀朱子易名紫陽四十六年知府康基

淵易今名嘉慶十五年知府王賡言道光中知府劉體

重麟桂咸豐中知府史致謬修旋燬於寇同治五年知

府鍾世楨率郡紳重修

府志

帶湖書院在府城北靈山門外宋淳熙間辛棄疾讀書

所謝

志

聞講書院在府城西明嘉靖間貴溪大學士夏言致政

歸以賜金建祀朱子集諸生講學其中

夏言懷開講書院詩郡中書院

喜新成華扁恭題御製名萬古堯天昭聖治千秋周典在皇明講堂高棟雲霄出賜教穹碑巖巖橫手植門前

雙柏樹遙知晚歲色青青後廢

謝志

道一書院宋程紹開建取孟子道一而已之義設朱陸

二先生像

元方回送胡雲峯赴道一書院山長詩蓋與上下立乾坤眼底無人可與論分數不難升

地位絲毫未易見天原因重文字窮義盡速省生徒半孔門斗食洋池何足浼晦菴異姓要雲孫近沿關洛至乾瀆遠探義圖未盡真自古斯文原有種即今所學不無人轉移鴉泮希聲起判斷驚湖正論伸魯國諸生

仕鄰國變齊
同園杏壇春

御書院在上饒縣治北六都明遠鄉宋咸淳間吏部尙

書徐直諒舊志作直方按直方係直諒弟官侍講直諒官尙書據府志改正疏請祀其

父元杰奉敕建院明嘉靖三十八年知縣陳添祥重修

謝志

朱氏義學在溪南上墪一作墩明成化間朱仲舒建以教

族黨子弟其子海揚修謝志

忠禮書院在城西明隆慶間詔復夏言官知府錢藻申

請特祠謝志戴九元忠禮書院詩丞相祠堂古信州

寶澤樓郊廟大謨同日麗農桑溫論自天酬可憐魚水君臣際中道風波不自由

桂山書院在縣治西五桂山明隆慶間湖東道尙德恆

建置有學田後爲餞送鄉試之所謝志

疊山書院在縣西北安輯鄉宋謝枋得講學處有詠歸門明經堂其門人鄭康仲徐炎午輩裒田供費元季兵燬明景泰中知府姚堂遷建府治南巡撫韓雍奏請賜諡文節正德閒知府陸徵重修嘉靖閒提學周廣重新

謝志

靈山書院在學宮左乾隆初知縣李文耀建道光九年知縣石家紹重建同治六年知縣王恩溥率邑紳捐修

府志

社學四所明宏治閒知府王塘建

府志

親民社學明嘉靖閒知府江珍建

府志

以

懷玉書院在玉山縣金剛嶺之陽唐大厯中僧志初創法海寺於峯下宋學士楊億精舍亦在山麓清熙閒朱

子與陸九淵汪應辰諸賢講學其閒有司及門人拓建書院置田以供四方來學者自是懷玉之名與四大書院相埒宋末廢元時改爲寺田併於僧明成化閒僉事方中知縣汪濬復建書院清理原田繼又廢正德閒提學李夢陽重建宸濠兵變復爲僧踞嘉靖三十三年提學王宗沐檄有司改復書院王宗沐記三代之隆治舉法信庠序黨比之居鐘鼓管篇簪裾揖遜之教不在其起居則在其應接其爲物博其爲事詳十當其時耳目純繹而志意安習宜其才之博碩而治之禁隆也自周道不著而教益廢學校之設旣不足以維持士習而又雜以辭章聲利之制於是又有書院之設其教旣不專於鐘鼓禮樂而其地又不詳於閭里黨比於是往往擇深山僻處靜深以爲肄業之所士之居其中者旣不係於有司程課之督則就爲有志而又其平素酣暢於聲利拘桎於奔走心煩氣倦而得此以爲之適若饜梁肉者咀蔬素羈籠者翔寥廓宜其好之深聚之眾而地因以不廢也古之聖賢途之人皆可爲而九夷陋巷之地繩樞圭竇之居乃至在市居朝無非學者今有司排擊異氏表章正學不憚以

改作爲功方以是爲鐘鼓揖遜閭里黨比之教其來集者固當念廢興之不恆察心迹之相應求所以仰副諸公嘉育之意夫然後可與居深山也已院之殿堂祠舍典籍器物田地山畝形數甚煩及先後有事於山者姓名具在志皆不勝載載其大者嘉嗣是巡撫何遷巡按靖四十年歲次辛酉季夏立石

鄭本立布政使張元冲按察使翁大立陸穩知府林光祖周倅大新之悉如白鹿洞規制置田三十二頃以贍學者萬厯初知府姚體信修九年詔革天下書院遂廢

國朝康熙三年重建於治東端明書院故址五十三年知

縣沈景韓增拓講堂書解祀朱子陸九淵汪應辰呂祖

謙益以汪達劉允迪詹叔善及有司之有德於玉山者

李光地記爲政者以新學校育人材爲先然學校之新也必先聚集人士而啟告以聖賢爲學之意幸而其地爲聖賢所生長所遊經則遺教流風往往而在於是有賢者莅政於茲咨諏舊迹興起陸緒感動奮發必倍於他邦班固有言可貴哉仁賢之化也詎不諒歟子朱子生長建州趨朝歸山則信州其孔道也是故玉山之會

爲湖之爭傾動一時見於止齋陳氏之書而其故趾皆
在於信以今攻之爲湖辨論其言不傳抑止齋所謂刻
畫深而傷易簡矜持過而涉吝驕是一時學者納有疑
而未概於心焉獨玉山講義剔抉詳明雖因問而答而
已盡乎義理之根源工夫之切要嗚呼首謙仁義之目
而警以著察之效中揭性善之指而進以昭昭之辨終
提以尊德性道問學之宗而兩挾其空虛卑近之弊朱
門之所終日言者不離乎是而於玉山獨反覆焉豈爲
一時學者設哉揚子雲云去之而親炙之也有志之士可
言聖賢百世之師不必謀面而親炙之也有志之士可
以興矣懷玉書院舊有之而不修前哲風流來者無所
矜式沈侯景韓以名家子來宰茲邑上顧高山仰止生
慕下視城闕嗣音興嗟周爰名區於稽文獻解宇聿備
祀事孔嚴蓋將表前修於渺茫振斯文之微歆此豈世
俗從政勞勞於簿領委者所能知哉屬余休告取道
西江謁侯所爲書院者而心偉之已而宿郡治信鉛山
鍾靈鷲湖所在修舉鳴呼何此地賢守賢侯之多也抵
里臥疴沈侯又千里馳書命余作記余惟侯之教習禁
方躬聖學揚絕緒中外承風蒸蒸廣化侯又嘗教習歸
地密邇新切尤能深知也固宜至於書院與廖之指歸
則共爲政而知所先後也創始落成詳侯自記中乾隆十
祠宇學舍修葺之年月創始落成詳侯自記中乾隆十
二年邑人朱世榮畢璋復建於金剛嶺下十五年世榮

增號舍五十五年邑人李必聯建講堂同治三年邑人

修謝志

端明書院在縣治東宋端明殿學士汪應辰講學所元

至正十年監縣壽安就其地建書院置學田蘇天爵記

殿學士汪文定公諱應辰信州玉山人也年未冠擢紹

興五年進士第一方其少也遇事則正色危言數忤權

姦而母悔忌其中年多識前言往往行蘊之爲德而見之

行事歷官外郡專務安靖息民而不擾人待朝著惟欲

引君當道而不阿是以民懷其惠士宗其學中外賴其

用卒也朱文公諱之以爲名道高德備而不自以爲得

足才高一世而不自以爲榮蓋玩心乎文武之未降而抗

位高勢重而不自以爲榮蓋玩心乎文武之未降而抗

志乎先民之所程嗚呼朱子推許若此真可謂一代之

碩儒天下後世皆當景仰也公歿百餘年邱墓隔於異

縣里社無所尸祝逢掖之徒過其邑者孰不爲感慨思

慕乎考之禮經鄉有道德先生歿則祭之於社無則猶

得合而祭之若文定公德業老成材器簡重可以不變

風化作興賢才玉山之人祠而祀之孰曰不宜我國家

至正庚寅監縣壽安以名家之子來領是邑爲政之暇

銳意斯文考之文定公邑之賢人也乃訪求公之世孫

衍社得遺文一襲於是移文申達復邑之舊學基創爲書院既成率同官傳吏諸生祀之邑之義士共施田若干畝儒學又獻會文莊田以供乘盛有司優其子孫丁役以奉祠事時江東憲使答不台嘉其義舉實爲得體覆表之曰汪文定公書院請於江潮行省以司其教遣使奉書求於天爵記之蓋聞時有古今道無古今之異地有遠近人才無遠近之別此古者以友天下爲未足又尙論古之人才誦其詩讀其書論其世也昔宋南渡之初文治亦盛搢紳儒者磊落相望一州一邑尊崇景仰甯無可以尸祝者乎不有尊賢好古之君子則孰知表章風屬以爲鄉人之儀表此文定之祠監縣壽安之所由作也方今朝廷崇尙文化開設貢舉網羅賢俊玉山之人豈無懷材抱藝出應有司之選忠君愛民若汪公之有用於世者乎相與欽慕興起於無窮是則克副監縣建書院教邑士之盛也後毀爲湖東道署明景泰三年知府姚堂遷建於城隍廟東正德十六年御史唐龍檄知縣潘文明重建萬厯間詔革天下書院遂廢

國朝康熙三年邑人卽縣治東書院故址建推官黎士宏生祠士宏改爲懷玉書院乾隆十二年邑人朱世榮畢

璋別建懷玉書院於金剛嶺二十三年布政使湯聘復
額曰端明五十七年知縣丁如玉遷建於冰溪南古歲
寒菴後仍祀朱子陸九淵汪應辰劉允迪詹叔善呂祖
謙汪達諸賢并增捐田畝以贍生徒咸豐間燬同治二
年邑人梁以拔捐城南嶽峯家塾爲端明書院八年知
縣黃壽祺署縣王大枚孫慶恒相繼修謝志府志
周日申端明祠
記

草堂書院在縣北懷玉山下朱子講學於此有青山綠
樹亭源頭活水亭堂廡號舍具備相傳朱子題山下酒
舍一聯云泉飛白石堪爲酒竈傍青山不買柴卽其地
也宋末書院廢斗山王奕與其子介翁結廬居此謝志
劉氏義學在順成鄉宋德安令劉允迪家居時建以教

族子弟與鄉人之來學者元至正舊志作至元九年監

邑壽安修明裔孫劉文秀重建謝志

社學六所明正德間知縣談世熙建府志以

藍山書院在弋陽縣治南宋邑人張卿弼仕興化俸宋

亡隱居教授其門人楊應桂等以來學者眾建書院處

之有廟堂以祀夫子兩廡翼焉有明倫堂鄉賢祠元至

順三年其孫繁昌尹純仁修謝志虞集記藍山書院

也卿弼字希契故宋時繇太學登咸清戊辰進士第除

福州司戶辟充教授仕至興化倅而宋亡歸弋陽隱居

不出門生弟子從受業者甚眾郡邑方內附學校多廢

僉提刑按察司事王公強起之至縣學以為師範人士

翕然來從之乃新作縣學江東宣慰使王公又迎至郡

學以為師以教一郡六邑之人又作郡學於是其門人

之於朝者非其志也即攝衣而歸至元十七年其門人

楊應桂申益章以來學者之眾無所息游也規為學舍

以處之得地於縣之水南廣長幾八里中為宮焉有廟

堂以祀夫子兩廡翼焉有明倫堂以講學有祠以奉其

鄉先生其左右齋曰稽古學易約史興詩立禮成樂祭
器有藏庖湍有所前爲大門略如郡縣學之制明年九
月告成名之曰藍山書院其後鄰縣升爲州直隸行省
割水南地以益之獨書院之境仍隸弋陽張君始爲山
長應桂繼之卽列爲學宮行省署官來任之矣至順三
年春繁昌縣尹張純仁來言曰昔先大父之始爲此也
買田以繼師弟子之食與鄉人之以田來助者通計若
干畝純仁與弟顯忠又以私田若干畝以增其不足皆
買諸民田官仍徵其常稅勿除也書院之設五十餘年
純仁等以時補葺不敢廢先人之志來官於是者率三
年代去經始之故將遂湮沒純仁深惟大父之爲此學
也庶幾邑人士之有成立焉今純仁始登至治辛酉進
士第大父之門方回孫登泰定丁卯進士第而純仁
之子熙載亦解於鄉則皆遺教餘澤之所出也又何敢
忘乎敢請一言歸而刻諸
石以圖不朽焉是爲記

九川書院在縣境九川明宣德閒李文儀與從弟文彬

建正統閒少卿李奎致政歸重建育英堂希賢軒尙志

軒謝志蕭鐵記李氏信之弋陽大族其居今之九川
就里蓋久而書院之建則造意於前乳源大尹文儀未
就而卒宣德丁未其從弟文彬甫始作屋於所居之南
教宗端子弟其中而重修之者今致政大理少卿奎文

曜也大理君以舊創湫隘乃與文彬謀而大之前爲門
門之中爲臺臺之後爲堂曰育英而軒其兩旁曰希賢
曰尚志軒之外各鑿其隙地爲池東池則構亭其上以
游憩曰鷗波西池則甃石其涯爲滌硯之所曰墨沼
以崇垣樹以嘉木特扁其門曰九川書院焉經始於景
泰癸酉之秋落成於甲戌六月之望至是命其子玘請
記於余余天下事爲之固貴於得其人不適其時雖欲爲之有
不得其則事有不成得其人而治學校之設自京師達於郡
邑雖荒邊側境靡不有之而家塾之制則聽民自便當
此時爲之者蓋寡獨李氏昆弟克重其事文彬甫作於
前大理君修於後而所謂九川書院隱然著稱鄉邑間
豈非得其人而又適其時歟初文彬甫作書院子弟
書幾三十年若玘若玘若玘若玘若玘若玘若玘若玘
察御史曰良進士試事吏部玘需次成均其他若玘若
曰春輩志進取者尤不少今大理君又更新之如是繼
是而往其奮發興起者可勝道哉雖然大理君昆季所
以拳拳於者是者非徒爲子弟干世取利祿之階而已其
意蓋欲取於人所以爲教之節目次第使凡游息於是
者相與講而循習之以成其德器由是出而仕者思所
以盡忠立節於時處而隱者思所以秉道植義於己則
一人之行修可以刑之於一家一家之行修可以刑之
於一鄉一邑無遠近而人材成風俗美豈獨爲李氏盛
其於聖世學校之助豈小補哉文彬甫予不及識之而

嘗獲交於大理君蓋端厚君子人也其子玘又余所愛重者故因其請特著予所聞以爲記俾玘持歸刻焉

潭石書院在縣境潭石明正統閒御史黃溥建中有聚

星映雪二軒育德亭

謝志

疊山書院有二一在新政鄉爲宋謝枋得講學所久廢一在城東高廟側乾隆十一年知縣陳元麟以皇華亭故址創書院曰葛溪尋移建城隍廟右道光二十九年知縣陳喬樅教諭彭定瀾率邑人遷今地更名疊山咸豐五年寇燬同治初邑人修復

縣志

社學二所

府志以上弋陽

象山書院一在貴溪縣南三峯山下宋陸九淵嘗結廬講學於縣南八十里應天山以山形如象更名象山紹定四年江東提刑袁甫請於朝遣上舍生洪陽祖改建

三峯山下之徐巖賜額象山書院中爲聖殿翼以兩廡
後爲舞訓堂翼以居仁由義志道明德四齋堂後爲仰
止亭有池上建濯纓浸月二亭堂左爲儲雲佩玉二精
舍右爲九韶九齡九淵祠賜額象山書院袁甫記略甯
宗皇帝更化
之末年典崇正學尊禮故老慨念先朝鴻儒咸錫嘉諡
風厲四方謂象山陸先生發明本心之學大有功於世
教錫名文安庸是衰美於是慈湖楊先生我先人絜齋
先生有位於朝直道不阿交進議論甯考動容天下學
士想聞風采推考學問源流所自先生之道益大光明
甫承學小子將指江東築室百楹旣壯且安士遐邇咸
集齋曰志道明德居仁由義精舍曰儲雲佩玉又皆象
山先生之心畫也顧瞻之閒已足以生恭敬消鄙俗知
入德之門規模信美矣乃具本元季兵燬明景泰閒巡
撫韓雍知府姚堂重建并置田以供歲祀正德閒提學
李夢陽知縣謝寶修嘉靖二十二年袁鳳鳴增修萬厯
八年詔廢天下書院祭亦裁知縣伍袁萃捐資贖還避

書院名改爲象山祠尋詔復仍編祭歲久傾圯三十一

年知縣吳繼京新之申請陸氏裔孫奉祠夏言游象山

同韻詩泛舟涉前津陟岸厯平阪巖高既岑旁境曠復

幽衍遺祠莽荒寂俎豆舊莫展鄙子辱里門歎抱樓索

歸壯哉李子游清風波層嶺千秋肯堂構吾道賴舒卷

又奉次空同過象山書院韻作千尋峭壁俯清溪野竹

含風弄晚淒祠下幾年無過客崖前此日重留題未逾

望講堂荒草合日斜惟聽鳥聲嘒一在城東南隅

國朝康熙三十三年知縣張鵬翼於梅花墩建義學雍正

十一年知縣張延福增建乾隆十年知縣彭之錦改建

於萬安山廢寺額曰象山嘉慶十五年知縣段克瑩仍

卽梅花墩義學故址拓基構屋易名景峯道光四年巡

撫程含章從邑人請復稱象山咸豐間毀同治二年知

縣周溯賢移建今所

謝志
縣志

嚴家書院在縣北高石明嘉靖間邑人徐樾講學處取
易卦家人名義四方學者咸輳集焉謝志

靜明書塾元陳立大家有藏書若干卷又所著論語正

義二十卷其子善益自尊藏題其室曰靜明書塾中設

其父像春秋祀之謝志

靈谷書院在麀湖山中元延祐間里人桂本建為屋三

楹東為端彝齋西為鈍齋謝志明王禕記靈谷書院

名山崇峻而幽邃最為奇勝與龍虎山相距十五里相

傳昔有學仙此山者嘗見羣鹿飲湖水塵鹿之大者故

山以得名焉曰龍嶺之阿從山趾東涉有大石中判離立

澗隈作門焉曰龍關山龍梁行數十步北過澗兩崖

壁立從崖隙仰見青天如橫石梁白水兩道迸落崖底
蜿蜒數仞若龍狀曰青天白龍山湖北往東行俯瞰靈
湫湫前百十步兩石偶立如削者雙劍石也逕折經石
下邐迤過濯纓澗澗流至是泓渟而深冽可濯可沿過
此而行稍就夷曠有雋峯出湖南峯下石室可坐數十
人別取道涉澗乃至其處曰得道巖有仙者祝氏嘗居

之又東過雲門隔湖列障如幃帷其下有石拔起數十
 丈綽約秀整狀若飛仙湖左壁石盤據爲臺遙睇飛仙
 石如將迎之曰迎仙臺至是徑阻絕勞攀躋折而少南
 徑出臺上俄而回眄向所見飛仙石乃在下矣復東去
 逕益峻風泉益駛有巨石約十許圍高四五丈岬嶂時
 澗北其趾無所附著曰飛來石自是長林喬木叢密蔽
 翳行二三里復有兩崖削立湛流噴薄下注者峽口飛
 泉也稍進有門曰雲雪之關入關渡橋曰問津而橋北
 則爲崖湖矣湖東北築隄灣環如偃月曰駐鶴壇壇北
 有屋曰天遊庵由庵東南人挑坪迦湖流西轉淵側皆
 樹桃墜紅泛碧演漾可愛曰流花嶼復益西入庵中樓
 土甚膏潤異草莽尊曰玉苗陽西行百步攀援而上
 有亭翼然攢嶠疊嶸皆在殿屐下而仙都閣闕平疇遠
 水參錯乎煙霏渺渺開舉在日睫曰一覽亭又北經庵
 後上凌絕巔望彭蠡激澹如杯雲林三十六峯若薺在
 地白山陞至是約行十餘里而山之峻極矣乃尋來徑
 還庵前沿澗東行北過漱芳橋入東谷兩山相並如負
 展其內則廓然以虛所謂靈谷也人靈谷而望第見峯
 巒旁拱清泉怪石與古樹長蘿相映帶邈然若與世隔
 而書院在焉書院者里人桂先生之所建也初桂氏在
 其鄉最爲著姓自司空公顯於五季之世其後往往擢
 儒科躋仕籍詩書文澤繼繼繩繩凡十世而先生出焉
 先生諱本字林伯承家學之淵源覃思經術推其所得
 託諸述作以衛翼聖賢之道其所著有四書通義五經

統會三極一貫圖金精龍極類纂道統銘等書皆能致
力於前儒之所未及而自立於不朽者也故其講學茲
山知道之在己者為既重而不以世好動其慮一時學
者翕然從之遊書院所為作也書院成於延祐中為屋
三楹東為端彝齋西為鈍齋而講說棲息暨庖福之所
咸備焉自昔君子之為學必居乎深山幽遐寥閭之境
紛華感麗無所接於耳目故能精神澹而志慮專而於
道為有得也宋如皋胡公翼之及平陽孫公明復奉符
石公守道實相與讀書泰山者十年學既成矣故出而
用世皆卓哉聖賢之為道者也今先生之居茲山可謂
古人之為學雖終隱不出為世用而其立言亦足以紹
前哲而垂後昆其於聖賢之道復何愧焉且塵湖之東
有象山者陸文安公之所講學也陸氏之學簡易正大
然與新安朱氏並立而異趨先生固繼陸氏而興起者
而所學則本之朱氏為多蓋庶幾會朱陸之異而同之
學術之懿不共有可徵者歟鳴呼九京不可作矣而先
生之子孟元方尤力學善文章號能稱其家自先生沒
元方與其徒仍講習於茲麗澤之益久而不替何其盛
哉元方屬余書其顛末故為之記而並道
夫山水之勝俾來學者知其所以云爾

桐原書院在縣南十里唐觀察使高寬仁故居至宋其
七世孫可仰建書院於此以教鄉族子弟置贍田元時

其九世孫惠甫又割田以資書院費元末燬明宣德間十四世孫吉昌重新成化閒餘千胡居仁講學其中門人徐宏嗣主教事一時稱盛萬厯三十一年知縣吳繼京重修申請裔孫紹憲奉祠

謝志縣志

臨清書院在縣七都宋儒裴方潤隱居於此元初屢薦不起建書院以教鄉黨子弟鄉人稱曰梅隱先生

謝志

玉溪書院初在縣南廬坊宋儒盧孝孫講學處元季兵燬明宏治閒提學黃仲昭訪求故址檄知縣韋厚重建歲久圯嘉靖五年知縣葉良佩規地於縣治東重建萬厯閒知縣錢邦偉構堂一區爲講學之所

謝志

理源書院在縣五十七都宋儒龔霆松講學處明萬厯三十九年知縣錢邦偉額曰眞儒道脈

謝志

社學四所明正德閒提學副使李夢陽檄建府志以

鷺湖書院在鉛山縣北十五里鷺湖寺旁舊名四賢祠

宋朱子呂祖謙陸九齡九淵講學之所淳祐十年江東

提刑蔡抗請於朝賜名文宗書院元皇慶二年知州舊

誤作寶汝舟建會元堂詹載采記書院創於鷺湖山四

總管其山風泉逸響如寄寥聞不能不以之興懷會惟齋趙

令尹獲聞大槪謂舊講堂廢今遷縣治西北隅謂曰韓

文公嘗守潮陽郡人思之廟於刺史堂後元祐五年徙

於城南七里子瞻作記謂公之神猶水之在地中無往

不在然則堂之創要不過以記後人之遐思耳蓋學無

常師以道為宗道無定體以心為主仰高鑽堅瞻前忽

後何莫非道之所存而可以其地閒之乎先是鄰於僧

遠於市東有書樓鵲峯對峙煙霞蒼翠在窗几閒高山

仰止流風宛然皇慶元年太守寶公下車之初恭先謁

奠登斯堂也顧瞻徬徨大懼弗稱銳意新之時樂平黃

謙為此山長偕直學吳先生師道承侯之志鳩工庀材

不雨月而堂遂成危樓兩廡輪奐翬飛高明爽塏視昔

有加不擾而辦堂有薌溪地租為豪猾所據侯檄黃長

相視歲入倍增外有一都等處出四百畝歲止收租百

四石侯核實而增之比常歲之所輸又益四十石焉繼
自今來遊來歌之士亦孔之厚矣侯諱汝舟燕山後保
定人也
元末兵燬明景泰四年巡撫韓雍建祠崇祀復舊

額宏治閒徙於山之絕頂正德六年提學李夢陽檄知

縣秦禮卽故址重建汪偉記文宗書院者以祀跡於東

也宋濂熙閒四君子嘗約講學於鷺湖山皆不遠數百

里至止相與極論不合罷去而繼以書劄往復辨難動

盈卷帙後之人重四君子之道而仰其平生因卽其地

祀事焉濂祐閒請於朝賜名文宗迄今中閒廢典遷徙

不一最後移於山之絕頂正德幸未冬十有一月提學

副使闕西李夢陽按縣撫衣登謁鼓險危峻人迹殆絕

屋且壞乃下尋故址則已鞠爲荆榛久矣慨然與懷顧

縣尹奏禮曰先哲遺蹟在是奈何去之而存以存險爲哉

吾欲復舊觀如何秦侯曰此禮夙心也乃畚去毀疎剪

除宿穢爲屋若干楹仍扁曰文宗書院落成舍奠如親

睹四君子周旋一堂而聆其警效使來求記愚惟臨庵

倡明道學而上承伊洛東萊和之獨陸氏兄弟若自

門戶有終不能同者古人非好爲是紛紛也不肯苟同

以求公是而已今晦庵之書列於學宮固家藏而人誦

之而陸氏遺言微旨亦並傳於世讀者以爲如聞震雷

驚霆焉則其所自得而自信要行不可泯沒者晦庵當

稱陸氏學者多持守可觀而欲棄短集長以自立則夫
同異得失之際豈末學所敢輕議哉其合而祀之久而
不能廢者固亦人心之公也李公以節行文學表見於
時其督學江右專以存心窮理為教化首務而不拘拘
文字尺度開於先哲過化之地表章尤力所以開導風
示後進意甚盛上之所好下必有甚焉斯道其將復
明乎敢敬記之以告登斯堂者秦侯舊有惠愛在民及
再至益修前政是役也成於軍興詰盜之遺咄嗟而辦
民不知費其亦萬厯十八年編修劉曰甯知縣唐應紹
知急先務者與

修其後楊廷麟胡夢泰查懋夔應璋等重修

國朝順治初巡撫蔡士英捐貲重建尋圯康熙二十二年
知縣潘士瑞修二十八年巡撫宋槃檄訓導郭逢年重
修五十六年知縣施德涵倡率邑人拓新之巡撫白潢
敬奉

御書窮理居敬額及章巖月朗中天鏡石井波分太極泉聯懸

書院

白黃恭謝
崇隆正學

御書扁聯疏題為
宸章寵被先儒懇賜詳題以伸
聖世

謝悃事該臣看得鵞湖書院為有宋先儒講學之地蒙

皇上振興文教御書窮理居敬一聯額賜

副章巖月朗中天鏡石井波分太極泉對聯一聯額賜

書院於臣陛辭之日給發收領臣敬謹製備親齎懸挂

訖欽惟我皇上統承洙泗治軼唐虞四海同文

冠百王而首出入統在育集千聖之大成作述兼隆勳

華普被猶念江右乃人才淵藪而為湖鍾川岳英靈朱

陸之講席攸存賢聖之師承未遠特頒鍾川岳英靈朱

煥名區恭繹存賢聖之師承未遠特頒鍾川岳英靈朱

居敬一言統學衛之全揮垂露之毫石井章巖雨語揭

山川之秀臣欽承睿藻欣際昌辰敬卜清和高

懸萬年之盛事有雲而鄉有星而景觀之祥光豫刻與金永

之升如月之恆與乾坤同壽將見中天明月休光景

鏤於西江太極甘泉沆瀣汪洋於廬阜家敦禮樂煥雲

章而益勉操修人淑詩書瞻奎畫而彌勒揚勵發蒙震

蹟盡沐君師煥爛之功入室升堂均沾天地生成之化

茲據布政使司布政使許兆麟詳據通省紳士魯瑗等

呈請代題恭謝李天恩等情前來臣不敢壅於上

聞理合據詳具題李光地記為湖書院者考亭朱子

象山陸子講道處也昔東萊呂氏與朱子交善又於陸

子有場屋之知見二君子平日操論有不同者故約為

鵞湖之會而朱子及陸子兄弟皆赴焉後人就其地立

為書院以祠四賢起於宋淳熙間賜額文宗延及前代

屢有修舉或曰朱陸之異同五百年來以為口實今同
堂而祀於古者配附之義何居余曰不然二子之相崇
重者至矣朱子門誨學者以持守每推服象山為不可及
白鹿延講朱子為之避席稱善陸之於朱則有泰山喬
嶽之歎故朱子有言南渡以來理會切實工夫者吾與
子靜兩人而已原其講辨往復之旨一則慮玩心高明
之失實一則恐著意精微之難真二者於末學誠皆有
弊焉雖朱子亦謂宜舍短集長庶無障於一偏也昔游
夏同師夫子而本末之論互為警發二程張邵相與切
磨則文學之科同配聖師朱子于敘道統淵源並以周程
張邵釋奠精舍未嘗以其小不同者為病然則朱陸之
共組豆於一堂也而又何猜乎今
懷皇極之辭訓奉一先生之言以講以思以服以行庶
幾沿河人海而無斷潢絕港之羞也而又當知張邵及
陸之於程朱其學雖微有異同而實相成非若水火冰
炭之不可入毋陷於庸末者味替之習以長夫晚出橫
議之風是之謂能自得師矣曩歲逆藩變亂西江適當
其衝兵燹之餘舊宇湮圯康熙癸亥前令潘君士瑞曾
一修之今又顏廢桐鄉施君德涵以名進士來升是邦
政修人和百廢具舉惓懷名迹力為更新會諸上憲皆
留意文事故請上輒報加以慰獎規撫既備落成有期
適余以丐歸經過侯與邑之人士邀請瞻謁而以詞記

相屬余惟爲政者首訪邦之明祀勝蹟繼而修之古之
君子皆然況夫羣哲論道之區學術源流移風百代而
可以翳諸荒榛乎且夫書院之建實與國家學校相
爲表裏李渤高士爾講院之廢朱子猶倦惟焉今使先
賢遺趾煥然崇修江右故理學地必有遊於斯而奮乎
興起以紹前緒者昌明之功於是爲大故不可以無書
是役也施侯倡率任其勞費同力故事則有舉人劉懋
峰貢監生鍾如珏張宗錫詹志魁生員潘掄查士麟韓
心珣詹洪程遠許士龍張宗錫等例得並書康熙乙酉
未季冬朔旦吏部尚書文淵閣大學士李光地謹記道

光二十七年知縣李純率邑人增建

謝志府志明

從無極分明後荒徑鋤茅見講堂自古乾坤惟此理至
今山水有餘光庭空蔓草憑誰薙滿香蘋欲自將冠
蓋追尋恨遲暮卻愁猿鶴笑人忙甘京過鷺湖書院
詩萃微山色點雲根萬木驚霜落葉繁俎豆古今存聖
學瓣香朝暮愧禪門一時持論多同異千載斯
文幾廢存在昔趨庭嘗竊問至今空谷與誰論

稼軒書院舊名瓢泉書院在期思渡宋祕閣修撰辛棄

疾寓居於此更今名後燬於兵

謝志

東岡書院在縣西石龍東岡坪明正統閒費瑄建

謝志

社學六所明正德閒提學副使李夢陽檄建

府志以

豐谿書院在廣豐縣西山道院左舊在縣署東乾隆五

年邑人建四十六年知縣胡光祖遷今所咸豐八年毀

同治六年修

府志

龍山書院在新城鄉宋嘉定閒運幹黃德中建

謝志

記龍山書院者永豐黃君之所作也君自少以傳習修
潔爲鄉黨所稱名卿達人爭致以誨其子弟旣連蹇場
屋志弗克施則慨然曰吾幸存薄田疇孰若舉爲義塾
聚英材而教育之以樂吾志於是謁地於團源復吉壤
馬五山輻輳蜿蜒如龍溪橫其前清激可鑑前望靈峯
廣玉秀時天表君曰是宜爲學者藏修之地矣乃悉其
力載營中爲堂一列齋六起嘉定十四年六月粵十月
告成君捐產之半以奉之稟給課試悉仿州縣學法春
秋校藝以禮屈邑佐或鄉人之中第者司其衡尺日講
月肄則君自主之青衿來遊莫不競勸君思久其事也
命族子從龍謁余記余未果作又使其從子曰宏曰應
豪者實來屢請而不厭子推周官大司徒以鄉三物教
萬民六德實居其首故爲名其堂曰成德而以德之日
名其齋且傳以進修之義焉古昔聖人以君師爲己任

故其修道之教無一弗克先之以智者教其講學窮理
以發良心之知也繼之以仁者欲其篤志力行以充本
心之德也而又聖以極其成義以達諸用立心以忠而
制行以和道之全體具在是矣後世聖人闡教洙泗亦
必以智及仁守爲先與人司徒之法若合符節然孔門
之訓知仁而已周官又益以四者或詳或略豈無意邪
蓋多爲之曰使之各因其材而入獨舉其要又所以該
眾善也其義則一而已於後顏曾思孟更相授受其語
成德之方必曰博文約禮也明善誠身也格物而誠意
也蓋致知以爲智力行以爲仁千載源流同出一貫有
志於學者其可不以聖賢爲師哉始書院之興從龍董
其役未幾遂擢上第自後舉於有司者前後相望人物
彬彬方盛未艾非惟山川之靈於此振發其亦教育之
驗與雖然君之所期於士者不止是也三代而上未有
科目進取之途士之修身果爲何事天之命我萬善具
全一身有虧是曠天職古之君子儼焉孳孳而後已
者以是爲爾世遠教失士知榮身不知修身知求利不
知求道良心盡蝕皆原於此君之是舉將以人材世道
爲意乎要必有講乎此如曰辭藝而已爾郡縣有學也
弗翅足其尙以贊爲哉吾知君之志故爲推本聖賢所
以教者使與學者共講焉若夫忠和之云則子程子嘗
舉斯語而筆之曰中和蓋與禮樂防民之具其指皆協
然非愚所敢質也學者姑卽識矣然而子程子之意亦
見行所誦大率達道者皆可識矣然而子程子之意亦

在所當知也故
併志於宋云

河源書院在周安鄉地名巖裏下有泉源湧出如星宿海故名朱嘉定開校書郎周天驥建與陳克齋趙章泉徐梅野劉端明湯息菴趙崇楫講學於此

國朝道光二十年知縣羅洪賡率邑人重建

謝志府志

瑜山書院在杉溪宋提刑俞挾建集里之貧士讀書其中

謝志

原道書院在何家隅元儒何天衢繪圖以獻欲建書院參政史紫薇爲之請於朝賜額原道以奉歷代聖賢差

山長主教事

謝志

致道書院在學宮右校士館左舊豐谿書院陞嘉慶十二年邑人重修因巡撫陳宏謀書學以致道額易名致

道道光二十年邑人俞茂桐重建縣志

社學六所府志以上廣豐以

岑山縣志作岑陽書院在興安城東明萬厯間知縣謝光陽

建

國朝康熙二十八年知縣曹學雋重建亦稱文昌書院謹案

謝志別有文曰書院據學雋記即岑陽書院也今刪咸豐十一年毀同治七年知

縣李賓賜重建謝志府志

荷峯書院在瑯山明邑人張深建以教其族里子弟謝志

白石書院在葛源為宋劉養浩講學地元時其孫光創

建祀朱子及黃幹以養浩逮事幹不忘所自也

國朝乾隆十三年裔孫起鳳等重建謝志府志

社學一所府志上興安以

饒州府

芝陽書院在府治茶場巷康熙四十八年初建澹湖書院於府學左後改建於明倫堂東乾隆七年巡道李根雲知府富明移建於望湖巷十八年巡道和其衷知府陳緯於院東隙地捐建講堂號舍三十九年巡道秦承恩以澹湖書院移建希賢書院後改名芝陽嘉慶十八年知縣馮履晉修道光十年邑人何觀海等請將道署舊地改創二十七年知府胡正仁知縣沈衍慶率郡紳拓地增修咸豐三年寇燬

府志

鄱江書院在府城北宋朱子門人金去偽講學處絃歌

巷卽其地元設蒙古學於此

謝志

元袁易送山長湯師言詩風土迢迢吳芮邑

送君還憶舊羈棲芝山擁郭蒼龍臥番水黏雲白雁低遠道故應勞夢想一官那得限東西野花芳草江南路

送君還憶舊羈棲芝山擁郭蒼龍臥番水黏雲白雁低遠道故應勞夢想一官那得限東西野花芳草江南路

千里秋風
入馬嘯

忠宣書院宋建於龍山麓祀洪皓明正德初皓裔孫春

請建於府治西丹霞觀故址謝志李潛記忠節之士

子糾之難不必於死者賢乎志士不忘死在溝壑勇士不

忘喪其元二者將安取衷哉孟子曰可以死可以無死

死傷勇世之論忠節者於其形迹求之則君子之心術之

微有不不可得而明矣是故忠難之際以一身處之易

身所重並處之者難何也顏淵曰子在回何敢死孔子

其大者耳徒死不足多也顏淵曰子在回何敢死孔子

曰甯武子其愚不可及也意可見矣靖康之際宋室中

微金人入寇偪欽二帝以俘於北建炎三年己酉洪

忠宣公皓以行人充通問使至金被執時梗公者艱難
百端今年居太原明年遣雲中又明年遞冷山前後留
金十有五年至詢二帝則前年在會甯去年徙韓川今
年又遷鷓鴣里改路矣君臣曾不得萃居又不使安其常
處窘辱極備公曰願就鼎鑊無悔是公可以死之時也
之使仕逆豫公曰願就鼎鑊無悔是公可以死之時也
既而天假校人以脫其難則長慮卻願隱忍白全與二
帝遠近相望時或密致通問曲加奉慰以待南歸是公
可以無死之時也使公復忿忿以死焉則將棄兩宮於
何地付二帝於誰人哉故獻桃梨栗麪報以康王卽位

安知不有以慰二帝之心而解其憂乎冷山北嚮而血
其誤操文遜乎嗚呼公之精忠如此使建炎以來凡奉
而達吾之誠囚者一皆如公之所爲各於二帝密問有
使如金被拘又各以其所聞中絕之速也吁可恨哉惟
加奉慰必不傷甚以至次第傾原奉迎之意日相親言
則兩宮必不獨存於眾使俱重有以後成就其大者矣其
天鑒忠公得獨存於眾使俱重有以後成就其大者矣其
后以南歸馬是公以徇其所重有以後成就其大者矣其
視張叔夜李若水王倫諸公皆先以論事忤秦檜出知饒
賢乎哉公後除徽猷閣直學士以論事忤秦檜出知饒
州不四年復貶英州矣吁公之賢如此乃以直道不容
於時位不滿其德人咸惜之不知天蓋有意於洪氏也
觀其子適事孝宗於乾道間以文學聞蓋有意於洪氏也
歲四遷位至右相子遵在隆興與同知樞密院事與辛
次膺齊名子邁在紹興末以起居郎如金正言不居中
國之威賴以復振高宗謂公蘇武不能過迹其雄才直
氣誠不相上下而功名富貴嗣續得人蘇蓋不及洪公
父子由此觀之洪氏之福正未艾也十世有孫曰春行
志學而愛文術博古今考公舊有書院固構堂而像之
以奠焉其概然舉行者巡按山東城公鳳也經始者二
守無錫茹公鑾也書諭以表章之邵守錫山陳公策也
然自茹及陳告子佐郡之年則亦少襄厥事焉堂成春
率子弟讀書其間以便焚燬行當觀光國家必將與守
文太平之世其享天下之福是公之賜也

芝山書院在白蓮池北明萬曆間參政舒其志建明末

圯

國朝順治間知府翟鳳翥改建於府學中崇祀朱子以本

郡理學名賢配之

謝志翟鳳翥者記書院與學有二平

為學又為書院何歟曰書院所以為學也書院所以為學

學為之必易地易名曰書院何居曰學止郡邑有之書

院則山林鄉社之地隨人自起此嶽麓石鼓所自始也

或謂學校課試遵時制為科貢之門書院教養遵古法

為性命經濟之學是又分而二之矣大學以明倫聖賢

道統就大於是書院講學未嘗廢文亦未嘗不以科貢

應制二者不容偏廢余謂郡邑城會庠序焉可也於學

鄉計正宜多建書院使天下若用學而廢書院此其公
校問足為國家樹人地爾矣若郡邑一置焉不知其
疏云老佛之宮徧天下學止一郡於文廟之陽明倫堂
說也余於饒建學矣以學齋不足於文廟之陽明倫堂
餘地建書院立舍置租以居流學者亦猶太學之明道
堂白鹿洞之文會堂講堂之制名曰芝山書院者以饒
舊有此名今即其學為之者不欲分而二之也或又謂
故宮遺趾為學為書院可乎饒紳士僉謂余曰禾黍離
離鼠兔交飛螢走燐城墟蔓野僅遺磚石為葺梵宮

者移去矣故淮王猶暴屏下也牧樵牛馬日踐其上何
如歸葬安山以其地為禮樂俎豆之域不芳草重芳乎
且王好學下山士曾為菁莪書院韓山青山等皆王莊久
為土人混據重而新之以祀吾夫子以瞻吾諸子弟王
之澤世享之矣昔梁蕭王恢舍宮殿為永福寺寺至今
存也至今猶知其為蕭梁宮殿也為寺與為學為書院
孰愈乎余因為王營葬而學其地遷清莪碑與芝山書
院舊碑並存學門上金二百易王莊為書院租田亦猶
鹿洞志永豐瑞昌之意也書院正堂五間後堂如之兩
廊號舍十間儀門三間頭門門坊一間田計韓山青山
渡二處共七百餘畝歲租七百餘石詳載板冊書院後
堂特祀朱文公以郡先賢饒柴諸公配文公嘗數居饒
且咫尺新安饒之上蓋規沐其教澤者故特祀之於戲
近其居去其世如此其甚且未遠也可不知所興起哉
希賢書院在府城茶場巷口康熙二十四年三郡士民
請為巡道查培繼立生祠培繼不許諸生楊鉞等請以
生祠建查公講堂又不許諸生請改為書院乃於其中
祀歷代名宦十四人漢九江守宋均晉彭澤令陶潛唐
彭澤令狄仁傑饒州刺史顏真卿江州司馬白居易宋

知饒州范仲淹知南康軍周敦頤朱熹知饒州三十册
樂平令楊簡明巡撫王守仁副使葛寅亮饒州知府張
有譽

國朝饒州知府翟鳳翥查培繼復捐俸置田

訓志查培

院以講學尚矣顧學無常師惟賢是希學固貴得賢者

而師事之非必陳舉比操几杖而從之謂也古之賢兵

學足以及窮理事足以宜民忠孝節義皆體諸身禮樂兵

農各適於用羹糲事同立雪吾師乎吾師乎百世師之

親炙千載庚桑子出知南康軍既興復白鹿書院條例

教規誨誘不倦又以濂溪先生前守是邦河潤及民春

風逮士爰祠而祀之以瀛溪先生前守是邦河潤及民春

之意也余駐節芝城四歷年所野有哀鴻滿有佩樽水

早曠溢未足消疹而召和雀鼠荏苒未移風而善俗

深懼不稱任使以速官謗乃貧而失業之人又往往不

能教其子弟雖與守令諸君設義塾於西郊擇師而教

之捐原而食之亦屢滿矣然散而不專且小學耳舉髦

紳士民乃有講堂之舉及夏五返治諸紳士則布席設

絳再三請余而落其成余惶然愧謝曰見若書院比比

矣昨奉以爲鑑堂今又將爲旅館無益徒爲慨歎也無
已則請推義塾之意而廣之爲士子游息之地焉顧余
安足齒竊幸有私淑矣自漢以來官於三州者代有傳
人得十四先生焉皆大賢也於漢朝則得一人分曹而
考爲守者時則有若靖節陶公懷英狄公敬仲楊公爲
齡王公濂溪周公考亭朱公及靜涵張公象陸公龜
令者時則有若靖節陶公懷英狄公敬仲楊公爲
馬者有若樂天白公爲監司者有若肥瞻葛公若夫伯
安王公則秉鐵專征三州皆其賜履也連類同揆則魯
公致身於唐猶靖節之效忠於晉而其斥貪殘勸農桑
討擒首惡四境肅然猶宋叔庠之去姦進善驅蝗渡虎
王文忠之惠政及民羣盜屏息也若張靜涵之旌孝弟
勸力田亦如之文正公之興學教士亦以豈弟爲政卽
楊慈湖之倡率士民闡明心學而象陸翟公能講學課
士潔己勤民洵可齊驅顏范矣葛屺瞻之執法惠商教
荒備患同於狄懷英之秉正保祚免租縱囚而慨直不
阿箴時教敝則白太傅亦足多者至若濂溪先生江
倡興理學民從其化士遵其教紫陽起而修明之姚江
又以良知之說並暢宗風遂使孔孟道統薪傳不絕之
十回先生者位不論崇卑人不不論久近總皆名實咸備
體用兼收學問爲真學問而不涉於虛無事功爲真事
功而不流於迂闊淵源相接至德堪師載考誌傳知進
仰風範者三州以內各建有祠以崇祀矣余爲合主與

位於一堂以其旁爲負笈肄業之所每當吏散庭閒時
與諸生析疑問難而芳型具在瞻仰如承余亦深幸得
附弟子之列詩云高山仰止景行行止此之謂矣所
生是邦者成人有德小子有造就將夙夜道合芝蘭千
古同堂如親提命是十四先生者固其師也官茲土者
好爵是縻道映可味功存赤縣福在蒼生求有餘師
乎降鑒是十四先生者又其師也此余辭講堂之請行
義塾之實而官與上皆得師以就學焉名以希賢固厚
願也若謂踵考亭祠祀濂溪之故事而行之余所不敢
出也至於絃歌答響文教在茲先賢鑒臨俎豆弗替更
有子也夫

匯源書院在永平門畫橋東康熙二十三年知府黃家

遴建

謝志

玉溪書院在邵陽縣石鎮元處士何英建以處四方來

學之士

謝志

白雲書院在東湖洲明初知府陶安以詩名延劉琮玉

至因講易安驚曰先生學有淵源非詞章之士詢之知

親受業於許謙者遂爲建書院祀謙卽以白雲命名

謝志

里仁書院在西隅明淮藩長史潘一諤捨宅爲之

謝志

浮洲書院在浮洲寺明嘉靖閒知府應鳴鳳建

謝志

湖東書院在縣學石後爲小學中有范文正朱子二像

謝志

社學七所明嘉靖二年建

府志以
上鄱陽

忠定書院在餘干縣琵琶洲宋趙汝愚與朱子講道之

地淳祐初汝愚子崇憲爲禮部尙書請作忠定書院元

至元閒趙孟濟修

謝志

東山書院舊在冠山中峯宋趙汝愚暨從弟汝覲建汝

愚子崇憲師事朱子於此講學汝愚卒朱子來弔復館

焉後爲胥吏所據邑人李榮庭鬻產贖之

謝枋得記
維天子某年番

陽李崇庭譔書辭託張國賢趙汝翼來告謝枋得曰篤
行先生趙公及其子忠定從弟汝銳有東山書院風雲
堂乃篤行忠定兄弟教子弟之所題則文公筆也天下
大亂汝銳之後寒餓濱於死終不以非道去貧書院遂
爲胥徒所有榮庭不忍見鬻嘗助倍價取之不取曰吾
廬設先聖燕居堂師友講習藏修各有規矩如國初
四書院肄業則明體適用如湖學願與天下英才共之
俾文公之道大明於斯世篤行忠定之家學亦不絕矣
子以爲何如枋得曰大哉李君之志也亦知學之有功
於天地乎古之大臣能以道覺其君民者自伊尹始能
以學勉其君民者自傳說始於國家若無所輕重也君
不幸而有受之暴臣不幸而有文王之聖流風遺俗猶
繫夫人之心者百餘年八百國之精兵不能敵二子之
正論武王太公稷凜無所容急以興滅繼絕謝天下殷
之後遂與周並立使三監淮彝不叛則武庚必不死殷
之命必不黜殷之號位必不奪微子亦未必以宋代殷
而降爲上公也殷亡矣多士多方不服者三十年成王
周公以忠厚之心消其不平之氣曰商王土曰有殷多
士曰殷遭播臣未敢以我周臣民例而觀之矧敢視之
如寇讐乎殷人何以得此於聖賢哉人紀不絕天地賴
焉伊尹傳說之教隱然在人心者未泯也江沱漢廣之
民一變爲馭舌文王召公之道化何在後九百年一夫
忠懷潔操以楚人之聲音而不失風雅之性情指天爲
正有殞無他楚亡矣義陵一邑思楚逃秦隱居桃源者

六百年于孫猶不與世接召南之教離騷之義吾於此
見之我孔孟立教齊魯時曰吾將以扶持三極國人未
必盡信也合天下精兵而不敢加一城之絃歌懸穹
重祿而不能奪五百士之死義漢高帝雄心霸氣謂一
世無人聞此二事爲之駭愕爲之涕泗孔孟之教與天
地爲無窮者固不止此此亦可以見其小驗矣自有天
地以來儒道之立至今日極矣李君方將求師講道
爲江右諸儒倡孰不迂之然而宇宙閒無此迂士天地
且不立況人乎由伊傳至孔孟窮達雖不同其道皆有
功於天地乎知之矣枋得竊有請焉今日師文公學孔
孟者必自讀四書始意之誠家國天下與吾心爲一誠
之至天地人物與吾性爲一夫人能言之手目視常
在於人所不見戒謹恐懼常在於己所獨知天下能幾
人矣不心曠神怡於人所不堪之憂不去欲存理於視
聽言動之隱語人曰舜之事吾可以善利人與禽獸不
可以自信舜與跡不分於雞鳴之善利人與禽獸不分
於晝夜之存亡語人曰吾正人心即可承周孔吾知性
善即可爲堯舜孔孟六經之教萬世文公四書之助孔
孟所望於天下英才者果如是乎嗟乎五帝三王自立
之中國竟滅於諸儒道學大明之時此宇宙閒大變也
讀四書者有愧矣雖然達而行道者有負於孔孟學者
所當戒也窮而明道者終無負於孔孟學者所當勉也
榮庭訓仰高國賢祖介持皆以有道祠於學汝翼則篤
行四世孫觀其志當立於天下所學必進而未止也

元至正閒兵燬明宏治二年知縣沈時重修尋廢正德
閒巡撫任漢檄知縣徐冠徙建中峯卽今陞萬厯八年
議革天下書院遂廢尋修復

國朝順治閒興屯道翟鳳翥修康熙十二年知縣江南齡
復建乾隆二十四年知縣李世仁增建同治七年邑人

重修

謝志府志縣志

南谷書院在南極峯明胡居仁講學處

謝志

社學一所明正德中建

府志上餘干

以

慈湖書院在樂平縣長樂坊宋楊簡爲令以禮讓變俗

時號慈湖先生元至元閒縣尹翟衡建書院祀之

危素記昔

楊文元公之宰樂平也首倡士民興修學舍闡明心學
以崇教化未幾民翕然應之器健馴服至今號爲詩書
之邦向之蒙公惠澤者由今觀之皆其高曾祖父矣餘
澤在人尙能感念之不泯孔子曰君子學道則愛人有

以哉袁正肅公提點江東刑獄乃協書樓於廟學之後
入本朝至元十九年縣尹崔公衡謀於故宋丞相馬公
專祠楊氏乃以貢士莊田若干以贍師生以供祠祀馬
公以爲宜乃得魏氏之隙地於縣治之東高明爽塏爰
築宮室其上率諸生舍奠焉事既上聞賜額曰慈湖書
院設官如令式至元二十七年抄籍延祐二年經理田
畝俱作贍學田土其後不知緣由者每以貢士莊田爲
辭而吏得以舞文其開至正辛巳公之五世從曾孫同
翁來爲山長列其於郡縣州路總管府知事于君凱
言於郡守曰朝廷以貢士莊田行省之已久無害於法
若何而靳於是上之於江浙行省是同翁具述其顛末
院始有田素使過是州既拜謁祠下同翁具述其顛末
求爲之記予惟楊氏學出於陸文安公其爲樂平也實
朱文公爲浙東常平使者之所薦也不不知者紛紛然以
爲朱陸異學可勝歎哉今書院有用以自養學元末兵
於其中者他日出而仕於時當以是爲師範矣

燬府志

洎陽書院在縣治左明萬厯閒義民王邦本建天啟五

年毀

府志

翥山書院在縣小北門內乾隆二十九年知縣元克中

建三十二年知縣朱堯會成之咸豐九年寇燬同治五

年邑人重建

府志

社學三所

府志

上樂平以

長薌書院在浮梁縣景德鎮宋慶元三年監鎮李齊愈
建元元貞二年山長凌子秀朱繼曾請於江東宣慰使
檣厚重建泰定二年進士方回請於總管段庭珪重修
明洪武閒廢

謝志

新田書院在新田都宋紹興閒侍郎李椿年建嘉定閒
李大有率鄉人新之延李德俊教族子弟後廢稱其地
爲義學

謝志

紹文書院在蓮塘西

舊名北湖

初宋淳祐閒邑人趙源置進

士莊於北湖元至元十七年其孫鎮遠以科舉未行莊

無所歸請於按察副使粵屯希魯以莊建書院曰雙溪

尋燬二十九年副使姚燉舊志誤改創燕居祠人文堂

四齋別立祠祀周敦頤以下諸先賢舊志作祀朱子據趙介如記更正

尋燬明萬曆三十二年知縣周起元重建天啟開復廢

國朝乾隆三十八年知縣黃泌率邑人重建易今名道光

十年知縣顧倬樞重修咸豐間燬謝志

兩河書院在北鄉明萬曆間邑人陳大綬等建有求斯

堂喟然閣謝志

景仰書院在景德鎮江家鴨舊為僧居乾隆十年知縣

李仙洲改書院尋廢四十一年同知興聖紀復建嘉慶

二十一年同知甯瑞知縣劉丙修道光四年同知繼德

知縣喬澐修府志

社學九所明嘉靖中建

府志以
上浮梁

銀峯書院在德興縣市延福坊宋淳熙間邑人余瀚余淵延朱子講學其中明崇禎間裔孫應馨改建於肯堂

山下

謝志

雙桂書院在游弈陽相傳朱子贈程韓程燧兄弟詩有兩種天香手自栽之句書院之名由此

謝志

蒙齋書院朱子門人程端蒙講學所舊在游弈陽裔孫德美重建於縣治東明嘉靖間提學王宗沐題額

謝志

柳湖書院在十都朱子門人程珙隱居講學所明嘉靖閒知縣俞玘重建提學王宗沐題額

謝志

深山書院在八都黃幹門人董鼎講學所鼎子眞卿爲胡雙湖門人請立書院胡雲峯額之

謝志

初菴書院在縣治南宋教諭黃棠建元學士傅立號初菴者捐俸置養士田奏設山長元季兵燬明改建於瀘

田邨謝志

息齋書院在縣治南水綠橋宋儒余芑舒講學所芑舒

號息齋故名

國朝康熙間裔孫元馭等修謝志

拙齋書院舊在游奕陽宋儒王過講學所過字幼觀號

拙齋故名明萬厯間改建於瞻邨謝志

勿齋書院原名四勿齋在八都宋逸士王億講學於此

明萬厯間知縣吳維魁重建改今額謝志

歸軒書院在八都宋儒鄒近仁講學所明嘉靖間巡撫

汪元錫題額裔孫侃修謝志

靖翁書院在版大邨宋儒李思正講學所

謝志

二賢書院在十都宋儒程端蒙程珙各有書院明嘉靖

閒裔孫德美一麟等請於巡撫何遷巡按鄭本立合祀

之

謝志 錢德洪記二賢者宋鄱陽程氏端蒙與其從

河南二程夫子分宗南北在鄱陽者南宗也端蒙字正

思號蒙齋珙字仲璧號柳湖家學相承篤志濂洛遺緒

涪熙開偽學熾萌朝臣目端士為邪氣且言於上曰是

屬能亡人國端蒙既薦名於朝司文衡者舉王蘇程之

學策士以陰詆晦翁諸生駭愕閣筆端蒙獨奮策正言

謂紹孔孟之傳聞異端息邪說以宏先聖之道者程學

也若夫王氏學雜佛老壞人心術蘇氏立朝氣節可觀

特學術未純不免出入職國之遺智同事者止之曰天

下豈有面慢其師而尚可與共事者邪遂投策而歸不

復出年四十九病革遺書晦菴曰端蒙死不恨特恨不

得卒業師門耳文公憫其任道勇而用志專親為表墓

像贊取其遺書性理字訓學則等編校閱之且親為之

序跋蓋嘉其教足以啟來學而振末俗也紹熙五年十

一月朱子赴召再過玉山邑令司馬適設師席於學宮

時珙率諸生羅集壇下質疑辨異同文公為發孔孟

仁義之旨使學者各求心悟以孚實行今之王山講義

是也晦翁往來懷玉鵲湖之閒珙周旋侍席所著書有
易說九疇策疏行於世寶祐以來副使王泌及原任知
縣俞玘許公高相繼立祠以崇教祀曰蒙齋書院曰柳
湖書院提學副使王宗沐亦各爲題其碑額今年裔孫
生員程一麟一龍尙仁等問學於懷玉因叩師門宗教
以悟晦菴之學歸而尋繹其祖訓乃率其宗黨謀議邦
人之良合二祠而爲一名曰二賢書院以便歲時享祀
因以合同志敘睦族之義焉

緒山講院在十七都上田明嘉靖閒庠生王守勝等構
屋文川聘鄒緒山主教巡撫何遷題文麓精舍萬厯二

十三年改建今所更名

謝志

興賢書院在延福坊明萬厯閒知縣何鏐課士所

國朝康熙二十一年知縣王清彥修乾隆四十八年重修

謝志
府志

銀麓書院在縣治北門外明貢士徐珊講學所

謝志

社學一所明萬厯中知縣何鏐清建

府志
上德興以

玉貞書院在安仁縣治後玉貞山麓宋邑人吳紹古建

陸九淵扁其堂曰經德謝志程迥玉貞書院詩吳侯

奇千載空喬木一朝敞虛境劃見神仙躅拄杖步危磴

遠寄千里目鶴憑子晉笙鳧舉王喬足信是隱君子名

入丹青錄冥搜得佳句悠然可騷僕向來肄業地文史

三冬足早聞雲錦溪鳴榔到巖谷寄我惻川圖居然媚

幽獨何當權輕舫飛鳥送遐矚

錦江書院在長城鄉宋邑人倪玠講學所元至正開其

子翰林待制鏜請賜額謝志王構記略聖天子卽位

史臣哀錄以進而構與焉洪惟世祖握圖御宇因時立

制嘉言善政惟唐虞三代是則暨至元戊子江東倪氏

創錦江書院詔賜額褒異具紀成編至南康教授鐘入

觀上其事特旨申諭俾所司崇護如初猗歟盛哉天光

昭回惟幾惟深通志成務之烈著矣元貞丙申鐘請於

構曰書院本家塾承先世素志非敢有所覬覦誤蒙二

聖知獎綸綍載頒華華榮幸茲欲鑲諸石示永久願記

之按鏡州上流有奇石曰雲錦峭壁千仞絢錯成章其

下匯數郡之水齋連舒紆西北至於邑治故圖志亦曰

雲錦江而是院處其中會歲壬辰又徙而之南不二里

許水石清妍雲錦之勝畢至殿曰大成堂曰敬儀閣曰雲章序曰同理東閣祠室專饗朱子配以眞文忠公右列鄉賢熊曲肱而下五人左以壽春揚州二府君陪祀院之西做蘇子族亭爲堂曰帶經祠曰世美高下方直宏深敞麗雖大郡校宮力出於公者有所弗及惇延師儒推請長論惟興論是從而弗撓於私若主奉掌祠司財計之數皆其子弟爲之而弗溺於賓坐立有圖進退有儀會課講試一如常式積之豐廩之厚期之深予之至禮之有隆而成其身者悉於是乎肆焉粵自丙子南北之得於心而無替凡六德六行先王之所以教而土一文軌朝廷遣使輶輶崇儒官訪遺逸江淮閩廣無歲無之至有起諸生位政府秩六卿入侍禁垣出任侯牧或顯數路糾治之權不一而止使倪宗之內暨業學之士篤於行而進於道困乎其文滿注雲委聯辭比事可以華世系而偉國典倬乎其德如華嵩如衡霍以之鎮浮靜泰不圯不倚斯不負立院之旨矣

環溪書院在崇義鄉宋尙書湯漢師事餘干柴中行因

建書院後人復建閣以祀漢

謝志縣志

竹莊書院在榮祿鄉元邑人李存與吳尊光張仲舉講

學所明永樂閒存曾孫復觀重修

謝志

石麓書院在琯溪元邑人陳楨建中有鳳鳴臺含光亭

雪邱鹿泉諸勝藏書授徒其中謝志危素記至正六年番陽陳君時作書院

於饒州安仁縣之琯溪又四年十月庚子甘露降於松

樹日光映之瑩若膏沐而光采爛然飲之其味如飴眾

奔走相告以爲陳氏之瑞始君得勝地於所居之近翦

薙榛棘值微徑草樹蒙密地勢斗絕乃盡力攀援晚之

不百舉武而豁然平衍環以羣山中爲方池臨虛涵碧

陟其顛喬木成林石磴蔽虧兩石傍倚訝然如蚌蛤有

石昂首若靈禽之翔因名之曰鳳鳴臺三石之最奇者

在其東中峯削立平若敷席曰磐石折而西爲亭曰含

光亭又西大石圓頂方臥若樹碑踴躍前爲上谷厓之

回者曰生雲突然垓者曰雪邱霍然坎者曰鹿泉君於

是卽鑿石之下爲書院授徒其間中祠孔子別爲山房
以度藏先世書籍及甘露之降復爲亭以志瑞暇日憑
虛四顧千里之遠近在目睫煙雲風雨變態萬狀超然
塵垢之外萬壑之祿千馳之馬不願易也因其嫺友臨
川孔君瑛來京師俾素爲之記素聞君之先出自九江
之義門家法之懿踰數百年雖散處它郡而流風餘思
未泯泯沒君篤於孝友鄉里信之宗族稱之顧其志願
無所慕乎其外而婆娑游衍於水石之閒與其門人子
弟講說先王之遺經世孰有踰其樂者乎誠使一家之
善推而化行於一鄉遠而達於一國人人有士君子之

行則其爲瑞莫大焉甘露之
瑞斯爲之兆歟君字士周

環谷書院在榮祿鄉明洪武閒學士鄭倫建倫號環谷

故名

謝志

見山書院在儒學左明邑人桂萼建有明世宗御書扁

二曰清趣曰義理完具

謝志

陽剛書院在八都獅子巖明邑人桂華同弟萼讀書所

謝志

龍門書院在劉家嶺下石頭菴康熙閒知縣孫躍建道

光六年邑人祝謨明修二十二年知縣彭中錫建禮殿

府志
縣志

石溪書院在八都石港邨道光四年邑人周作人作求

兄弟建二十二年作人子瑞瑛等修

府志
縣志

社學二所府志以
上安仁

南溪書院在萬年縣政新舊志誤
作新政鄉宋提刑柴中行講

學處理宗朝中行以右文殿修撰乞歸講學南溪之上

其裔孫建書院以祠之元延祐元年置官掌祠事謝志
謹

秦南溪書院舊隸餘干政新鄉明正德
開地入萬年謝志仍屬餘干誤今改正

石洞書院在萬年鄉宋儒饒魯初作朋來館以居學者

後從遊日眾遂建書院元至正開設館廩師生以奉祀

事明正德間參政吳廷舉副使許庭光復建於縣治東

知縣白繡主簿吳元著各捐俸新之謝
志

斛峯書院在萬斛山南麓宋尙書李伯玉建謝
志

白羊書院在新進鄉宋大理寺丞陳嶠建謝
志

翠巖書院在蒼山宋邑人葉舜民建謝
志

南園書舍在胡坊宋信州守胡預致政歸建以課其族

黨子弟

謝志

姚西書院在九江道街康熙五十二年知府韓奕五十七年知縣劉津相繼建後廢乾隆十三年知縣李繼金復建於舊院左爲新姚書院咸豐八年寇燬十一年邑

人修復

府志

社學二所明知縣柯良晉建

府志上萬年以

南康府

白鹿書院在府北十五里廬山五老峯下唐貞元中洛陽人李渤與兄涉隱於此渤嘗養一白鹿自隨人稱白鹿先生寶歷中渤爲江州刺史就其地創臺榭遂以白鹿名洞南唐昇元中建學置田命國子監九經李善道

爲洞主號曰廬山國學宋初置書院與睢陽石鼓嶽麓並名天下學徒常數百人太平興國二年詔從知江州周述請俾國子監給印本九經驛送至洞又官其洞主明起爲襄信縣主簿七年置南康軍遂屬焉咸平五年詔有司修繕塑聖賢像祥符初直史館孫覿請歸老於洞許之皇祐中覿子比部郎中琛因父志增學舍以教子弟四方來學者并給廩餼局曰白鹿書堂尋燬於兵

治熙六年朱子知南康軍

訪遺趾檄教授楊大法縣令

王仲傑重建書院

呂祖謙記高郵之田告病郡守新安朱侯嘉

行眠陂塘並廬山而東得白鹿書院廢趾慨然顧其僚

曰是蓋唐李渤之隱居而太宗皇帝驛送九經俾生徒

肄業之地也若院創於南唐其至鮮淺太宗於迷瑞

區字日不暇給之際獎勸其殖如恐弗及規模遠矣中

興五十年釋老之宮見於憲或者斧片之聲相聞各復

其初獨此地委於榛莽過者太息庸非吾徒之恥哉郡

元

雖貧薄顧不能築屋數楹上以宣布本朝崇建人文之
大指下以續先賢之風聲於方來乎乃屬軍學教授楊
君大其法呈子縣令王君仲傑謹其事又以書命某記其
成其竊嘗聞之諸公長者國初斯民新脫五季鋒鏑之
阨學耆尙寡海內承平文風日起嵩陽嶽麓雖陽及是
開曠以講授大率多至數十百人嵩陽嶽麓雖陽及是
洞爲尤著天下所謂四書院者以寵綏之者甚備當是時
官書命之祿秩錫之扁額所以寵綏之者甚備當是時
士皆尙質實厭新奇敦行義而不偷守訓詁而不鑿雖
學問之淵源統紀或未深究然甘受和白益精至於河
德之地矣慶歷嘉祐之閒豪傑並出講治益精至於河
南程氏橫渠張氏相與倡明正學然後三代孔孟之教
始終條理於是乎可考熙寧初明道先生王在朝建白學
制終養考察於是有志之士未嘗不歎息於斯當建炎再
其議遂格有舊觀之未嘗不歎息於斯當建炎再
進小生驟聞其語不知親師取友以講求用力之實蹟
等後賢之病如遠未能聞程張之門庭而先有王氏高
自聖賢之病如遠未能聞程張之門庭而先有王氏高
院之復舊焉云哉此邦之士蓋相與批先儒固習而
實之餘風服大學離經辨志之始教由博而約自中而
高以答揚熙陵閒啟迪樂育之大德則於賢侯之勸學
斯無負矣至於方志紀人物亦有是役重民之勢賦功
清之之遺迹固不得而略也侯於是役重民之勢賦功

已狹率捐其舊十七八力不足而意則有餘矣
興廢始末具於當塗郭祥正所記者皆不書 援嶽麓

書院例疏請敕額併高宗御書石經與監本九經藏於

其中 朱子疏臣竊嘗伏讀國朝會要恭觀太宗皇帝嘗

白鹿洞書院既又以其洞主明起為蔡州袁信縣主簿

以旌儒學每恨無山一其處仰觀遺迹及蒙聖恩假

守茲土到任之初考按圖經詢究境內民閒利病乃知

書院正在本軍星子縣界而陳舜俞廬山記又載眞宗

皇帝咸平五年嘗敕有司重加修繕閒因行視陂塘始

得經由其地見其山川環合草木秀潤眞開燕謁學之

區而荒涼廢壞無復棟宇因竊念太宗皇帝眞宗皇帝

所以幸教多士垂裕萬世之意其盛如彼而下吏淺聞

弗克報稱萬一駭懼震懼不遑啟居既又按考此山老

佛之祠蓋以百數兵亂之餘次第興葺鮮不復其舊者
獨此儒館葬為荆榛雖本軍已有軍學足以養士然此
洞之興遠自前代聖相傳存顧光寵德意深遠理不
可廢況境內觀寺鐘鼓相聞於葉彝倫談說空幻未有
厭其多者而先王禮義之宮所以化民成俗之本者乃
反寂寥希闊合軍與縣僅有三所而已然則復修此洞
蓋未足為煩於是始議即其故基度為小屋二十餘間
教養生徒一二十人節縮經營今已了畢但其敕額官
書皆已燒毀散失無復存者不敢擅行收置輒具奏聞

欲望聖明俯賜鑒察追述太宗皇帝眞宗皇帝聖廟遺意特降敕命仍舊以白鹿洞書院爲額詔國子監仰慕光堯壽聖憲天體道性仁誠德繼武緯文太上皇帝御書石經及印板本九經疏論語孟子等書給賜本洞奉守看讀於以褒廣前烈光闡儒風非獨愚臣學時劉仁子之幸實天下萬世之幸謹錄奏聞伏候敕旨

季送漢書藏書院

朱子跋意旣爲劉子和作傳其子仁季致書以其先人所藏漢書四十四

通爲謝時白鹿洞書院新成因送使藏之以備學者看讀子和五世祖磨勘府君式南唐時讀書此洞後仕本朝有名太祖時其孫敬敏皆爲聞人今子和弟子徵之家尚藏其手鈔孟子管子書云是洞中日課也

遂列聖賢爲學次第以示學者一時名儒如陸九淵劉清

之林擇之皆來講學

朱子講座銘師道絕塞以祀其居今其言言亦莫我敢都前聖後師

文不在茲如或見之有嚴其思立之乃於建昌縣置東

源莊田以給學者八年朱子遷浙東提舉復遺錢三十

萬屬軍守錢聞詩建殿廡並塑像後二年軍守朱端章

加板壁繪從祀諸賢像又撥浮屠沒入田以益之嘉定

十四年知軍州守黃桂重建正殿增闢三門續置西源

莊田三百畝紹定中知軍守史文卿建五經堂瀄祐開

知軍陳洽建友善堂及文昌宮咸淳開州守劉溥漢作

漢傳增置貢士莊元至元間總管陳炎西修大德間崔翼

之增田百畝

虞集記南康白鹿洞書院山長柴實翁誦其郡守崔侯之言曰昔者斯洞在南唐時

學者之盛猶至數百人宋初固不待言矣及朱文公作而興之以講道其開其規約之要被乎天下學者嚮往以爲宗焉此其所建立又非昔人所能者翼之不敏假守茲郡誠不敢以學校爲緩於聖人之道誠亦知所尊信而未之能學也思行其所以爲教者而未之能爲也然而贍其既稟使其師弟子得安於治其業雖力雖不足猶庶幾可能乎乃親學田之人而節縮其冗冗計其資之積可易民田百畝實翁之未至也教授王君肖翁實攝書院之事乃能親行田間視其肥磽去取之故所得皆上壤夫侯之意王君之勞田之始入皆不可無記願刻其事於石鳴呼朱子之書學者蓋家藏而人誦之矣其於聖賢之傳爲學之要本末始終毫分縷析無復餘蘊使窮鄉下邑獨學特行之士苟能玩而習之思而得之體而踐之及其久也猶可以入聖賢之域況乎有

明師良友相先後之討論問辨以求其正觀感契會以推致其極者乎此其人固何待於人之食之而後用也雖然侯郡守也書院郡之學也自侯爲之者當如是耳來者其勿負侯之心也侯名翼之字鵬舉燕山人愿官多美政守是郡也三年矣通練樂易敏勤堅信民無隱情庭無留事其用民力也若增石闢緒郡治非必常爲者不爲也是以事集而人不知擾王君金華人其大父師勉齋黃氏柴君鄱陽人其父師雙峯饒氏皆不忘其世學放元季兵燬田亦亡明正統元年白鹿書院翟溥併書之

福守南康率僚屬捐俸剡穢除荒規制復舊景泰間知府陳敏政重建貫道橋成化三年提學李齡增擴之置學田祠器聘胡居仁主洞事七年提學徐懷置棲賢橋

田八百七十畝宏治八年提學蘇葵撤新之張元禎記南康郡白鹿書院入我朝翟守溥福起其廢李僉憲齡新其類今歲久復多壞矣蘇僉憲葵以內翰遷提學來與巡按王侍御宗錫謀諸一二憲臣更爲大新之院制中爲文廟爲重門左爲明倫堂爲文會堂堂前爲延賓之館規皆仍舊而棟宇堅壯數倍兩隅列諸生書舍凡二十楹則多新增者明倫堂左故有三賢祠以祀李賓客周朱二

夫子而祔以陶劉諸賢位各以世列侍御深謂非宜特
創祠尊二夫子而陶李諸賢則別祠於其西焉愚請於
諸君宜因茲大新濟周程張朱四夫子於廟西配之次
如朱子昔所舉行諸君咸以非著典不果昔翟守之起
廢未嘗延師聚徒李提學則禮聘賢士屬各學有志諸
生相與講學焉於時知爲己而學有說者固多然喜名
過情者有焉飾詐希覲者有焉學者於此宜淨滌名利
之心力超名利之關不如是則不惟晦吾道其負正學
而玷此地也甚矣胡爲乎來哉今蘇君亦欲延師聚徒
愚敢預爲戒之以無負今日大新之盛舉也侍御雅意
興學激揚之餘凡新學宮於撫吉諸郡已十餘所致力
正學甚篤憲臣陸憲使珩沈僉憲清分巡沈僉憲銳皆
不忘吾道者是舉約費千金一出侍御與分巡之規
畫官民無預總其事而責成於經歷馮驥訓導雲龍江
能則劉守定昌之功爲多蘇君志行必大提學邵寶又
振正學以副是舉愚紀其頌因以俟云
檄建宗儒祠楊廉記南康府白鹿洞書院有宗儒祠焉
氏以下凡若干人云祀則濂溪周子考亭朱子暨勉齋黃
朱子既嘗爲守而重建書院於此勉齋以下皆嘗講學
於此者也蓋非有闕於書院則不泛及匪諸儒則固不
混施也於乎儒之道大矣爲天地立心爲生民立極爲
往聖繼絕學爲萬世開太平斯其儒之謂乎二夫子大
儒也勉齋以下諸儒也書院之教其來尙矣所以講明

而切劘者儒之道而已三綱五常吾身之所繫也四端
萬善吾心之所統也五經四書作吾之階梯也諸子百
家資吾之辨駁也羣居終日潛心乎儒如射者之必志
於中的如行者之必期於赴家旦望瞻仰必以圖說所
謂定之以中正仁義而主靜洞賦所謂誠明其兩盡敬
義其偕立而日加勉焉此外復以直卿諸儒之著述旁
搜而博考焉於以反覆而精思之於以勇往而力行之
其不至於儒吾不信也審如是則此祠固所以報抑豈
不足以為勸哉舊祠惟二夫子其推及諸儒則前提學
蘇公伯誠加祠額以宗儒而大書之邵公謂諸生之來遊
賢二公之於書院極有意於興之邵公謂諸生之來遊
者曰非罷科舉進取之念無賴至此其所以待學者不
淺矣記之所其後提學蔡清據星子縣志白李夢陽唐
以爲來者告其後提學蔡清據星子縣志白李夢陽唐
錦徐一鳴王宗沐巡按陳銓唐龍附唐龍題請主祠官
書院事竊照宋儒朱熹於淳熙中知南康軍乃卽唐白
鹿洞遺址建葺書院以爲講學論道之所規制大備教
化蔚然又括聚書籍置給田畝相傳至今近日巡撫未
府首詣書院展拜先聖先賢見得祠殿荒涼門廡零落
往來皆牛羊之迹前後俱蔬稼之圃及訪書籍已多散
亡田畝亦浸遺失詢厥所由蓋因無官綜理每年止是
本府星子縣編僉門子二名輪流看管以至狼狽至此
夫必欲設官尤恐費事緣本府儒學距書院僅十五里

但得一學行教授兼管足矣然誠難其人焉近該本府呈報所屬官員姓名脚色開註本學現缺教長臣訪得福建興化府教授蔡宗充由進士出身學問深該志行清古爲貧而仕曲全孝友之心以禮自防弗爲時俗之態誠斯文之正類後學之楷範也如蒙乞授吏部查議將蔡宗充改調南康府教授不妨原職兼總理書院用修遺教仍行星子縣歲另給二力一馬往來謁請於書院租內月另支米三石食用以爲常規一應上司俱要禮待勿令僕僕拜跪以示優重之意已後員缺常於進士內慎選銓補若能敦復風教有光儒業一體擢拔科道及不次升提學僉事等官苟廢學爲教聽巡按御史奏調問黜不廢勸懲庶百年之善典復興舉而一方之學者有依矣徐岱蕭端蒙謝志作蕭端據秩參政張元冲據依矣巡撫何遷知府陳霖羅格王溱何巖張純知縣崔志補

孜相繼修增置田廬有差嘉靖三十四年饒藩朱厚燠捐出三百畝入院鄉守益記白鹿洞於四書院尤巖南唐時給田以贍生徒考亭請額給書

置田於谷源臥龍莊嗣是名卿碩流宣教敦俗四百餘年歲拓代增計星子都昌建昌新建四邑凡二千三百餘畝而宗藩未有入者嘉靖乙卯秋饒藩朱厚燠以所置都昌柳氏田聚訟租額輸田於白鹿洞凡二

百九十二畝歲入紫陽倉租穀計四百三十二石以養
俊髦而杜爭怨當道議追償確辭弗受於是分巡李
一瀚以達於陳中丞沐吳桂史遵嘉其義行有司大書
報國養賢四字以旌之而王判南思敬覈田畝佃甲填
國制籍仍鑄石以垂永久遣作徵言於洞守臣受而讀
之歎曰是舉也昭三善焉高皇帝表正萬邦復二帝三
王綱常暨列聖熙熙嘉靖我萬邦天錫純嘏本支百世
率履繩蹈矩矱利而鏡義見豐苞貽謀之臧焉藩封世
祿徵福佛老捐厚貲重資而弗靳茲獨隆儒重道誓守
初志以靜言庸違為恥見好善擇術之端焉當道之始
也追租給償據法祛奸而終也旌淑樹風嚴實貽久見
敷政崇敏之周焉是可以詔來學矣二三子發軔之始
敬事後食於二善可以無負尚有萬厯七年大學士張
光於先哲其田畝佃甲勒諸碑陰
居正請禁偽學詔毀天下書院鬻田以充邊需都御史
邵銳以白鹿書院有敕額不便拆毀量留田三百畝備
祭祀巡道王橋隨請留星子都昌二縣田以建昌縣田
千餘畝變價十一年給事中鄒元標題復先是有紅鶴
百十巢於後山松杪書院議革鶴忽飛去後三年仍來

巢書院遂復十二年參政程拱宸檄知府潘志伊修宇

贖田陳文燭復洞田記萬曆八年江陵柄政嚴禁偽學

存蓋魯殿靈光也洞在匡廬五老峯中與昨陽石鼓嶺

邊得價四百四十餘兩留備祀典者僅三百餘畝議濟

去存空名也萬曆十二年廟堂議復書院江西復古半

洞田在新建者四百二十二畝入南昌正學書院在廷

昌者一千一百畝價存司庫會中丞餘姚陳公御史益

都朱公端人並列倡明正學下復田之議文燭典司事

右使宋公應昌學使沈公九時感謂國家莫大乎養士

若入太倉直秘來百給買者價而祠田遂復守道王公

橋巡道顧公雲程贊而行之南康太守潘君志伊新洞

志學使公屬余言以傳承久陳公歎曰斯田也劉而復

者也物無剝盡之理故易曰復其見天地之心乎孔子

以顏氏之子庶幾於復而孟氏以禹稷之功並天地者

同之其心之謂與干祿如師聚斂如求短喪如其實與

而厲迷而凶非復也干祿如師聚斂如求短喪如其實與

詩書毀鄉校者等耳烏得而禁之願學者勿入於偽而

使人竊禁之名是吾道之興與故曰學古有獲若農

服田力穡乃亦有秋偉哉茲舉錢於貞珉告後之造士

者是年正學書院田亦復而學使

公為記樹南昌府萬曆丁亥夏日

十七年提學朱廷益

聘南昌布衣章潢主洞事知府田瑄立鹿洞憩館增置

田七百畝張位記田使君之為南康也以清德醇學擅

郡卽斗大踞匡廬而縮彭蠡足稱要區且白鹿洞先賢

過化地暇得與二三子容與林壑商榷忠節祠修葺號舍

乃捐俸新宮牆改學門建甬道易創忠節祠修葺號舍

及鹿鳴諸亭吉月必率僚宋躬詣釋奠倡率而鼓舞之

博士弟子員感公實意喁喁嚮風願學宮舍宇頽敝廟

貌不肅恆歎時拙胡能舉羸由是直指使錢塘陳公發

官醵若干金為修葺費乃以某年興役某時落成值督

學使嘉興朱先生來朱海內名師也拳拳以興教造士

為念行部來斯先檄誨語迪勵諸生復為講章闡明杜

命修道之旨多所獨得誦之者其有省悟既命博士卿

領諸郡俊髦士有志者會聚其中聲應氣求欣然嚮往

名山勝地林壑草樹蔚然一時生色焉田侯與余年家

夙契由是命某生致詞屬余言以紀其事憶余諸生時

詠歌茲誦心夢皆清泐夜塵網三十餘年思一流雲繞戶

由今茲地也朱先生倡之田侯主之博士卿領諸生時

其間精神感動朋來聚樂山增高而水增深矣慨自政

教廢而後師道立學校頹而後書院興居斯遊斯倅不

為梓童真切之求經綸實務之講師者徇名而赴士者

為精而求又何以異於競進奔榮者之為邪教以人而
興地以人而勝會以人而盛言以人而傳然則今日之
舉余所嘉歎而樂與之四十二年參議葛寅亮知府費
者亦惟其人焉故記

兆元增修并建鹿眠亭

葛寅亮記略廬山之陽為星渚

江州改創匡山陽明書院每生書院支願對五老峯則
憶白鹿洞在其內紫陽故蹟所夕睇吟開為栩栩神往
者久之以公事入省會輒紆道踰吳章直趨五老峯前
小憩白鹿洞見其巖壑幽邃林木翳然真名教一樂地
也振衣升講堂謁先師規制與巽宮無異益使人肅容
起敬問當年白鹿何似一生指龕中石壁紫陽手書鹿
失笑已導余捫蘿歷澗西流一石壁紫陽手書鹿眠處
三字庶幾近之已又導余徧讀屏間所鐫喻義章心性
圖古本大學彷彿登羣玉峯頭片片瑤琳無非至寶四
壁長歌短詠亦自琅玕滿眼不必辨其是唐是宋也獨
其殿楹學舍皆頽然就圯周遭危垣敗塹且岌岌不支
矣諸文士以為請余敬諾隨約郡守費君掌洞事劉丞
商度資值該幾何為役書其具則盡發醵金之在南康
者不給費君益捐資任之期為山南了此公案亦一快
事也冬十一月余適至自饒而復止洞中一日夜因與
劉丞偕星子王令次第達觀中左為講堂中右為禮聖
殿又左為宗儒堂右為文會堂今更題講堂為講修堂
左右廊廡號舍盡拓而新之大門西出文會橋與坊塞

上流徑撤去改門從講修堂出走下流古枕流橋一生
前曰此舊制也余又不覺失笑古人乃先獲我心乎各
堂前偈先賢祠號舍又石屏橫障林木蒼蔚未易看西
山朝來爽氣乃為伐其餘枚遷先賢祠於左外之東隅
又遷忠節祠於右外之西隅與相配兩石屏益拓而前
回鑿邃谷病其蓄極不妨以空明張翥奇也門外溪流
建瓴直瀉為跨峽口築二石級四時涓涓深碧可鑑不
令見石骨蛟蟠石坊移豎迴流山則大鐫名教樂地為
洞門深鎖處講修堂後為雲章閣會藏書其中又陟而
上曰喻義亭前跨澗而峙曰枕流亭潤東曰獨對亭曰
聞泉亭澗西曰釣臺亭曰朋來亭各稍有更置加以點
綴微見本色又別置亭鹿眠處毀前石鹿標此鹿眠猶
不失為元公愛蓮池也經始於萬曆癸丑仲冬月工將
告竣而余適有遂初之念以請告行矣復過洞中南九
兩郡諸生偕集拔余留一日為揚推四十五年知府袁
疑義郡守費君及丞倅以下咸在焉
懋貞聘南昌舒曰敬主洞事天啟二年聘推官李應昇
主洞事夏煒記洞自白鹿山人肇基於唐寶應間訖顏
子稱廬山國學一變為皇祐末之兵火而寶應之遺藹
然矣瀉熙已亥晦菴先生守是邦拓其制時稱特盛元
季之亂鞠為茂草國朝正統翟陳兩君先後興理於時
列聖重熙宣夫子之道知日月中天而卒有江陵之協

更議禁書院醫官田三五十年来程拱宸規條於前布
衣胡居仁章潢講明於後邵伯田阮袁懋貞攷收勸課
粗反舊觀今按圖觀之得無山陵如故而荒屯未游補
葺未工乎土田如故而磽确未闢侵蝕未清乎課條如
故而講席久虛青氈常冷乎自非如唐宋名賢留心世
教者彰明而恢廓之終為山靈笑耳將不在今之主張
洞學者乎主張洞學者為誰則毘陵李仲達也仲達有
志尼山之衣鉢當主持所為作與斯文敦倫迪德將
令廬山國學直與兩雍諸學宮並稱不朽則廢者
起感者繼是數之所不能拘通變而不倦者也 崇禎
十四年巡撫劉宗祥巡按徐養心聘據白鹿書院志更正南昌李
明睿主洞事

國朝順治四年知府李長春五年知府徐士儀相繼修十
二年巡撫郎廷佐檄南康府縣修堂廡清洞田十四年
重建大成殿知府薛所習推官范初知縣黃秉坤續捐
學田康熙元年江西總督張朝璘增修七年推官巫之
巒修橋坊知縣劉瑔修兩廡并禮聖門十四年布政使

江西南昌府志卷八十二 書院二
姚啟盛提學邵吳遠知府倫品卓大新之二十二年巡撫安世鼎委巡道查培繼修聘南豐進士湯來賀主洞事疏請扁額經史二十六年頒

御書學達性天扁額及十三經二十一史遣官送書院四十八年南康府教授熊士伯詳請專祀朱子巡撫邵廷樞布政傅澤淵從之名紫陽祠五十一年提學冀霖重建殿廡增學田五十五年知縣毛德琦清洞田重修白鹿書院志自禮聖殿兩廡大成門櫺星門而外爲堂者八曰明倫堂文會堂攝儀堂十賢堂講堂友善堂成德堂五經堂

謝志開一堂據白鹿書院志補

爲閣者三曰

御書閣聖經閣雲章閣爲臺者二曰勘書臺釣臺爲亭者二十
二曰風雩亭風泉雲壑亭好我亭枕流亭白潔亭觀德

亭光風霽月亭太極亭喻義亭鹿眠亭百花亭獨對亭
朋來亭釣臺亭大意亭高美亭聞泉亭六合亭思賢亭
如見亭原泉亭宰牲亭祠五曰紫陽祠宗儒祠先賢祠
忠節祠諸葛武侯祠廟一曰七姑廟他如精舍號舍憩
館貢院射圃倉廩莊屋坊橋之修葺及主洞姓名學規
祀典書籍田賦具載焉雍正四年巡撫裴率度增建講
堂三楹及春風樓乾隆十年參政李根雲清洞田修殿
宇三十一年知府陳子恭修文會堂因中唐之小泮池
作橋其上又作門於池南爲貫道門嘉慶九年巡撫秦
承恩巡道阿克當阿修二十一年巡道任蘭祐修道光
三年巡撫程含章以八百金檄知府狄尙綱修十八年
都昌縣人余泰捐修咸豐三年寇毀七年星子舉人潘

先珍鄭奠邦修春風樓獨對亭同治五年知府黃廷金

請撥洞租修復院宇七年署知府王之藩清洞租九年

巡撫劉坤一檄知府劉清華盛元修改建春風樓謝志

志宋朱子尋白鹿洞故址愛其幽邃議復興建感歎

有作清冷寒澗水窈窕青山阿昔賢有幽尚眷言此婆

娑事往今幾時高軒絕來過學館空廢阻鳴絃息遺歌

我來勸相餘杖策攀絲蘿謀野欣有獲披圖知匪訛永

懷當年盛莘莘矜佩多博約感明恩涵濡熙泰和淒涼

忽荒榛俯仰驚顛波強教建網紀喟然心靡它伐木循

陰岡結屋依陽坡一朝謝塵濁歸哉碩人邁又同尤

延之詠白鹿洞書院詩昔人讀書地可嘆白鹿場世道

有升降茲焉更表章矧今中興年治具一以張絃歌獨

不嗣山水無輝光荒榛適剪除聖謨已汪洋亦有皇華

使肯來登此堂問俗良懇惻懷賢增慨慷雅歌有餘韻

絕學何能忘又次卜羣書落成白鹿佳句重營舊館

喜初成要共羣賢賦鹿鳴三爵何妨奠蘋藻一編詎敢

議明誠深源定是閒中得妙用元從樂處生莫問無窮

庵裏事此心聊與此山盟又講會次卜丈韻宮牆蕪

沒幾經年祇有寒煙鎖澗泉結屋幸容追舊觀題名未

許續遺編青雲白石聊同趣齊月光風更別傳珍重箇

中無限樂諸郎莫苦羨騰鸞又和張彥輔作遂谷新

華館風煙再吐吞舊眠聞野鹿遺恨響驚蟻共賞欣同
輒分攜槍別魂徘徊空日夕無策駐行軒明王慎中
詩昔賢敦雅尚設教託雲壤妙得高深理非關山水賞
道因名勝尊神以流行養時去蹟空留風存化猶訪林芳
基茂草餘巍構浮雲上無事鳥頻飛有懷予獨訪水逝
鬱芬敷庭木自成長泉石有餘清絃歌輟遺響川水逝
如斯山形高可仰徘徊西日斜惆悵前人往吳國倫
與諸生詩廬山五老峯縹緲在霞宵下有人仙巖含虛
吐神液洞門苔已深白鹿但遺迹仙茅構講堂選石布經
遷易二三儒者徒遠源匠心闢誅茅構講堂選石布經
席溪紛沭泗流嶺亦抗鳧嶧響子樵梓容瞻此迥然適
南州士如雲從之叩今昔諧聲奏雅歌洋振金石
國朝李元鼎遊白鹿洞懷蔡魁吾制府作千秋聖緒未
全湮喜見宮牆殿閣新不有此心同此理誰將斯道覺
斯民蒼松翠竹橋門色澗草山花古洞春讀罷豐碑斜
照晚芙蓉天半看嶙峋查慎行紀事二首古洞盤旋
路欲封到門無樹不喬松陰森前後三重殿突兀西南
五老峯兵火縱教仇典籍留得宮牆儼辟雍九龍書院中
鰭睢陽岳麓全荒棄留得宮牆儼辟雍九龍書院中
相許千古淵源只數公大事商量何草草當時位置太
恩愍祠荒勿復論分合道在終須辨異同祀典也應煩
早定莫令禮樂笑淹中朱軾白鹿篇贈毛心齋我
鹿洞講堂開萬古精靈發越來聖主崇儒心齋我
清時選牧必良才光風霽月君新領古檜蒼松地舊栽

從此洪鐘時一叩
不教庭廡翳莓苔

廬陽書屋在南康府城明洪武初邑人黃仲美建

謝志

龍潭書院在星子縣南龍潭里明初邑人查琛建以教

其宗黨

謝志以
上星子

南山書院在都昌縣治東舊名匯東明萬厯閒儒學由
治東遷小南門外因以舊學爲之崇禎十三年改書院
爲學宮遂廢

國朝康熙九年學再移小南門外書院乃復以前峙南山
遂易今名嘉慶五年仍以書院爲學宮乃卽康熙五十
四年所移磨劒池側學宮爲書院

府志

經歸書院在西山麓元儒陳澔與饒節註禮記集說號
雲住師因名其書院曰雲住後廢明成化閒學士劉定

之建議謂濫釋經之功雖未敢肩程朱亦可以次胡蔡

欲比何休賈逵范甯杜預等例從祀廟廷宏治閒允提

學邵寶所請敕有司葺祠致祭知縣王珀創建正德四

年知府陳霖置祭田六年知縣徐冠建坊於書院前萬

厯七年改爲經歸祠謝志文德翼經歸書院錄序經

鄉冠以殘篇斷碣而士大夫歌詠附之者也先生名濬

所著禮記集說載在功令編之學宮與程胡朱蔡四家

註表裏五經如五星之配日月炳然稱不朽矣顧經之

秦禍惟禮記自漢人言不盡出先聖小戴之記原剛於

大戴入十五篇之中今人戴遺文多涉秦漢閒語至於

糟粕實寶玉玉酒酒血與夫天揖時揖上揖之類皆

近僞子書不可深考即小戴號爲雅馴而傳者非一家

紀者非一史言人人殊莫爲折衷且因舒王傳會周禮

宋儒遂右祖而力攻之又以儀禮止爲士禮不可通行

而小戴一記遂衰然與四聖五代之書爭衡天下學庸

復加表章與論語並立記中多微言與旨說焉難詳鄭

箋孔疏誠有不盡蕩乎如中流而莫之依泊莽乎如歧

路而莫之適從也白先生集說成除周禮闕疑外不獨

戴記四十七篇明如指掌即儀禮七十篇貫串於其中

亦朗如列眉也虞伯生學士表其墓曰經歸誠經歸也
與哉說者謂先生三世經術家學淵源生於宋季至有
明而始顯幸而遭逢孝宗之仁聖佐以閣臣如商輅劉
定之及學臣邵寶等從容咨訪卒不獲與程胡朱蔡同
從祀先聖之廟庶祗立祠於鄉社下况才子文人放臣
逸士或宦蹟所至流寓一方好事爭為俎豆者相去幾
何學者不能無惜於此矣然從祀之與不從祀固無損
益乎先生之真也竊讀當時部牒下察生平行實有餘
歎焉昔叔孫通綿蕞之儀非不適於時務而魯兩生鄙
之何也為其漢治雜霸故也元起北陲一時號為儒者
南吳北許莫不為所牢籠靡其好焉而先生獨棲隱於
彭蠡寂寞之濱抱遺經以老死是魯兩生之志也嗚呼
向問其行實乎甚矣人不易知人亦不易也德輿內
午之春客於昌邑幸與先生之十四世孫素誠素養遊
得覽前錄備知所以興廢近者鼠兔叢於龍墓則榛
乎講堂絃誦不聞鐘鼓莫覩古不云乎國依於民民依
於禮今之君子必有任斯責者爰進二素而告之曰了
知之乎禮者履也經者徑也非禮勿履非經勿徑九原
可作微先生
夫誰與歸

曾公講堂在縣學右康熙十九年知縣曾王孫建以誦

學課文
志謝

義學在醫學之右明嘉靖四十四年知縣吳英建今廢

府志

社學一所府志以

修江書院在建昌縣城西鶴鳴山宋朱子知南康軍時

邑人游其門者建書院於府城久廢

國朝乾隆十三年知縣邱元遂移建今所縣志謹案謝

星子今據縣志移載建昌

石潭書院在石潭山下邑人熊德明建謝志

宏齋書院在縣治北城隍廟右宋李燔讀書處明嘉靖

二年知縣顧陽和建四十二年署縣事通判梁典修萬

厯閒知縣費玠添設齋舍謝志府志

扶風書院在縣治東南二十五里相傳漢馬融講授處

明正德間知縣周廣建後廢為僧寺

國朝雍正六年巡道劉均改建書院謝志

甘棠書院元至元中建尋廢明洪武十年邑人趙宗信

重建謝志

北山義塾在縣治北明景泰間邑人李誠為溧陽令致

仕歸建以聚一鄉子弟而教之謝志

社學三所府志以建昌

雷塘書院亦名雷湖書院在安義縣南一里宋至道間

敕旌義門洪文撫令有司築書堂以淑其子孫謝志

三代以還鄉黨皆有庠塾兩漢而下公卿多自教授及五胡稍夏一馬渡江揚粵之區衣冠舉集士風文物雄視中原蓋劍客奇材昔稱荆楚之士寬柔以教今見南方之強用是出相不下於山東明經僅多於鄒魯街談俚語必及詩書總角弁髦即遊學校由學而禮讓著山讓而孝弟敦班白相推於道塗耆艾廣由於市井耕耨

異時賈不求豐亦猶夫涖洒之濱斷如也南康洪氏
傑出其閒以耕鑿之勤厚致資產以孝悌之德大庇族
人奕世聚居期功踰於百口至行內激風聲樹於一方
州閭之內人無閒言閭門之中衣無常主漸漬元降陶
甄至和彬彬然有孝謹之風熙熙然如歸府稟益豐絃
誦不輟衰衣博帶豈畧里之徒竹簡韋編將敵祀書
之制子弟之秀者咸肄業於茲田蘇與遊曾哲同志列
第俾於稷下鼓篴比於虞庠韋賢之一經相傳劉氏之
七業俱盛豈止游談之於式羈旅之時依設鐸於西郊
來賓於千里而已至道中天子遣美俗使者按行郡國
且以御書百軸下賜其家家主文撫以隨居求志肥遯
不仕卽遣其弟文舉入謝天闕特賜清閒之宴召對赤
墀之下勞問數四歎息久之解褐授官以示光寵天子
又自署一幅曰義居人以賜之閭閻增氣閭巷改觀雖
古之里稱通德族號高陽家有賜書門標六闕者曾未
足擬也矧處士君耕於巖穴名動京師身在江湖心懸
象魏每歲遣其子弟陳上貢於宰旅上必蕃錫以答其
意野芹之意蓋以薦誠闕葵之心特蒙委照白渥恩下
及精廬彌肅肅寶玉在笥芝蘭盈廷去年處士之兄子待
用舉進士得乙科同時儕流登是選者以十數初覆一
簣蓋由樵輪後來之人貫魚而進以錫善流光之慶加
討論傳習之資圭組相輝將珥貂於七葉生徒益盛必
著錄者萬人然後臻夫授也學館之南有雷塘焉因以

為名目志其地先是尋陽陳氏有東佳學堂豫章胡氏
有華林書院皆聚墳索以延俊髦咸有名流為之紀述
講道論義況力敵以勢均好市樂賢復爭馳而並為官
乎與二家者鼎峙於江東矣今年助教來府處上書謂
余願志其事且嘉其服道醇固樹善深篤謹守家法勤
接士類高門積德已容駟馬之車上帝藏書更同羣玉
之府景慕不足牢讓非宜
備俛成文聊以塞請而已

社平書院在縣北三十里卜鄰鄉宋嘉祐開義門陳思

悅建

謝志

文山書院在縣治西劉將軍廟左康熙十一年知縣陳

瑋初建於明倫堂東尋廢三十七年知縣趙惠吉遷建

今所歲久圯乾隆四十年知縣李洗心倡修咸豐元年

知縣蔡應嵩重建六年寇燬八年知縣蔡忠洪修

府志

社學一所明正德閒知縣熊价建

府志以
上安義

九江府

景星書院在府城東唐元和初召李渤爲右拾遺不就
韓愈遺之書云朝廷士引領東望若景星鳳皇爭先覩
之爲快渤乃就命長慶中刺江州後人因建書院曰景
星元末兵燬今東嶽廟卽其故址

謝志

濂溪書院有三一在府城南十里濂溪巷宋周敦頤過
潯陽愛廬山之勝因其麓有溪取故里之號名其溪曰

濂溪築書堂於上瀟熙三年州守潘慈明增築焉

朱子

之在天下者未嘗亡惟其託於人者或絕或續故其行
於世者有明有晦是皆天命之所爲非人智力之所能
及也夫天高地下而二氣五行紛綸錯綜升降往來於
其間其造化發育品物散殊莫不各有固然之理而最
其大者則仁義禮智之性君臣父子昆弟夫婦朋友之
倫是已是其周流充塞無所虧闕夫豈以古今治亂爲
存亡者哉然氣之運也則有醞滴判合之不齊人之稟
也則有清濁昏明之或異是以道之所以託於人而行
於世者惟天所畀乃得與焉決非巧智果敢之私所能
億度而強探也河圖出而八卦畫洛書呈而九疇敘而

孔子於斯文之興喪亦未嘗不推之於天聖人於此其
道之傳者與不然而何其絕之久而續之易晦之甚而明
之亟也蓋自周衰孟軻氏沒而此道之傳不屬更秦及
漢歷晉隋唐以至於我有宋聖祖受命五星集奎寶開
文明之運然後氣之漓者醇判者合清明之稟得以全
付乎人而先生出焉不繇師傳默契道體建圖屬書根
極領要當時見而知之有程氏者遂擴大而推明之使
夫天理之微人物之著事物之眾鬼神之大而推明之使
畢貫於一而周公孔子孟氏之傳煥然復明於當世有
志之士得以探討服行而不失其正如出於三代之前
者鳴呼盛哉非天所畀其孰能與於此先生姓周氏諱
敦頤字茂叔世家舂陵而築書堂於廬山之下因取故里之
號以名其川曰濂溪而築書堂於其上今其遺跡在九
江郡治之南十里而其荒弗不治則有年矣清熙丙申
今太守潘侯慈明與其通守呂侯勝已始復作堂其處
揭以舊名以奉先生之祀而呂侯又以書來屬燕記之
熹愚不肖不足以及此獨幸嘗竊有聞於程氏之學者
因得伏讀先生之書而想見其爲人比年以來屏居無
事嘗欲一泛九江入廬阜濯纓此水之上以致其高山
景行之思而病不得往誠不自意乃今幸甚獲因文字
以託姓名於其閒也於是竊原先生之道所以得於天
而傳諸人者以傳其事如此使後之君子有以明御史
觀考而作興焉是則庶幾乎兩侯之志也云爾明御史

徐傑項璵副使焦宏陳价仍遺址重建提學邵寶奏著
祀典權使鄭汝美建廊舍塑像其中謝志列姜輅後嘉
茲據府志更正
靖閒權使鄒輓修十六年權使祖琚礪石刻太極圖說
樹之寢副使謝迪同知姜輅修并濬蓮花池萬厯閒參
議葛寅亮修

國朝順治二年兵燬康熙三十一年巡撫宋犂馬如龍知
府朱儼率五邑捐建乾隆十九年德化知縣高植增修
二十一年署九江關監督董榕移建蓮花峯下尋圯一
在城內豐儲坊明嘉靖閒兵備陳洪濠建祀周子以二
程配之構書室五重

國朝順治閒權使崔掄奇總兵趙光祖修一在府治世德
坊南稱新濂溪書院乾隆五十年知府初之樸建祀周

子復蓮花洞舊租充膏火嘉慶五年巡道阿克當阿增修十年巡道廣惠增修十三年知府方體增置號舍田產二十二年知府朱榮修咸豐三年寇燬同治四年署

巡道蔡錦青重建

謝志府志

靖忠書院在豐儲坊明成化五年知府蘇致中建於府學前蓮花池南祀晉陶潛唐狄仁傑正德

原誤宏治據秩官志更正

閒權使鄒輓建號舍後改爲名宦鄉賢祠遂移於豐儲

坊今廢

謝志府志

嬰鳴會館在德化縣明邑人文士宏建每月四日爲小會孟月九日爲大會與湯文禎何一化輩聚徒講學

謝志

社學六所

府志上德化以

李渤書堂在德安縣使君山鵬唐長慶閒渤爲江州刺

史見其山水明秀築堂於此今其址尙存

謝志

敷陽書院在河東明嘉靖二十六年知縣蔡元偉卽宋時儒學舊址創建名河東書院

國朝道光三年巡撫程含章檄知縣巴彥布修易今名二十九
十九年屋壞咸豐四年知縣劉希洛撤遷試院左側未

成遭寇燬

府志

東佳書院在東林山下唐義門陳袞建聚書千卷以資

學者子弟弱冠悉令就學一名義門書院

謝志

社學一所

府志

以德安

瀆

舊志誤作懷

溪書院在瑞昌縣新河南明萬厯間知縣陳

鼎訓導葉濟英建

謝志

蔡氏義學元邑人蔡季霖建其子士仁修室宇贍供給

延名師以教其鄉黨子弟

謝志虞集記九江瑞昌有

季霖沒其子士仁等修其屋室瞻其供給延名師進宗族鄉黨而教之如其父時不敢廢來求書其事以示後來者自朱文公講學白鹿洞環匡廬山之麓士君子聞風而起者多矣其在德安則有蔡元思其在瑞昌則有周舜弼與其從弟亨仲從子仿在都昌則彭儀之皆卓然為高第弟子而元思事文公最久辨疑答問必悟徹實踐而後已文公沒心喪三年又以事文公者事黃直卿而卒業焉其晚也與其同門之友數人每季一集以相切磋又如此者三十年而鄉都州閭之間父兄子弟相與服行其化庶幾鄒魯之盛矣宋之季年郡縣學教其士子以科舉之業相尚識者憂之或即先儒之遺迹或因山水之名勝則為精舍以處學古之士焉澹泊堅篤無利欲之感是以朱氏之學行於當世而我國家始置之間如蔡周諸君子得以化成為其鄉也我國家始置進士舉必欲學者深通朱氏論語大學中庸孟子之說而五經之傳一有定論蓋將使其人專心竭力於此焉苟有以靜存動察而極造其旨必幡然而悟惕然而不思有以靜存動察而足為世用者乎惜乎或假其言以僥倖為聖賢之歸而不足為世用者乎惜乎或假其言以僥倖一第而遂視之不啻如筌蹄此不惟上負國家又負聖賢而其日暴月棄亦已甚矣今也緣黨庠街序之義建學延師於其家父子兄弟相承而勿廢吾故知文公之

爲教元思舜弼之流風遺俗猶有存者豈不感哉

紫峯書院在東城門外里許道光十五年知縣董思誠率邑人建二十三年知縣王訓謝方潤增建同治四年

修

府志

社學一所

府志以上瑞昌以

成德書院在湖口縣成德嶺明嘉靖末署縣事同知吳淞卽宋儒學故址建邑人張科段孟賢增號舍後圯崇禎十年知縣陳文德重建後又圯

國朝咸豐十年邑人重建稱舊成德書院

謝志府志縣志

聯雲書院在僧官巷明萬厯五年知縣陳啟明卽小學舊址建崇禎十年知縣陳文德修復

謝志

射圃書院在縣治南明嘉靖間知縣沈詔於射圃建觀

德亭翼以號舍崇禎十年知縣陳文德增建大堂三楹

左右學舍四十餘間

謝志

社學二所

府志以湖口

五柳書院在彭澤縣東嶺乾隆三年知縣李松泰於北

郭柳林洲建書院曰柳洲二十五年知縣曹師聖改名

春衣三十九年知縣葉聲遠增建講堂號舍尋災五十

五年知縣胡率德移修嘉慶十九年知府方體率邑人

重建

方體記潯郡五邑白濂溪書院興惟彭澤有書院向曰柳洲今名春衣乾隆三年戊午前令北平李

松泰建於北郭外之柳洲所以興教化培文風也詳考

志載碑記柳洲自明迄今疊有興廢李令恐年久弊生

乃捐廉爲士民首倡拓地數百弓建立書院及三賢祠

附塾芥重二字號洲爲興學資詳請勒石觀其自記云

事由創始一切規制均有未備而敦教宏化之大觀尙

有待焉閱廿餘載曹潘二令有志興行以資費竭未

果三十四年己丑邑之周世祿妻陶氏捐入田產繼有

次第踵捐者歲甲午晉安葉聲遠攝邑篆加意文教首

事書院解俸錢延師課讀每慮士無膏火室廬湫隘
 然以振興爲任邑紳丁名恭捐出字號洲息同中建講堂
 董其事勸輸修建折腐起頽改大門正西向中三賢像
 堂之左右建學舍各二十餘間其南向廳肖祀三賢像
 於上堂後置賓師館規模始一備矣未幾講堂大門災
 庚戌胡令率德率紳士重建亦僅於門堂故址累土高
 之餘皆窪陷未治數年來圯而修修而圯者恆數見
 嘉慶辛未子因公至彭見書院地瀕大江屢受水患而
 芥重二字號洲久坍塌無息念士人居業必有甯宇前
 人成功未可遽廢因以丁世複同艾欽赤凌健所捐入
 濂溪書院寒字二十八號洲息分撥十股之四入春衣
 論首事周之泰取息修葺繼長增循舊制而更新之
 自講堂書館學舍廊廡及庖廚漏漚之屬皆繚以牆垣
 築以隄塹周完堅好几案器用咸具規模又再備矣夫
 書院以造士也古者黨庠術序皆舉鄉先生之有德行
 道藝者莖之其大旨所存總欲使人明理正人心篤
 於學問化其剛柔之偏以漸幾乎中正而明體達用一
 一見之實效也若於聖賢經旨之所在不修身體講學以
 深求底蘊此而謂士則何士也且夫彭澤爲陶靖節秋
 文惠趙忠毅三賢過化之區其氣節文章忠蓋理學眞
 足焜耀古今爭光日月皆前事之師也今之司教事爲
 弟子者誠能奉爲楷模澄心希古淪性靈崇氣誼反求
 之切近篤實而不溺於利慾趨於險怪則士品士氣士
 習蒸蒸日上不猶有三賢之遺風歟今春三月署令金

置秦細武以儒術飾吏治觀風校士錄取生童送入書院肄業酌量資息出入聘師主席興膏火定課程給資有期經費有式其他規條悉仿濂溪蓋所以造就士人者差備事定命董事宗培印等同諸生請記子嘉其請因思培風育才固上之人所望於下亦下之人所當自勉且喜春衣之能繼濂溪興起而更冀其將與濂溪並垂久遠也諸道光中總督陶澍以地係淵明舊治改今生勉乎哉名咸豐閒寇燬同治元年知縣李士榮移建今所靖忠書院在縣治北觀音巖後本唐天祐中三學堂故址元至元四年縣尹王國輔建祀晉陶潛唐狄仁傑宋趙昂發尋圯地爲豪所併邑人王演疇修復今圯

謝志府

社學五所

府志以
上彭澤

南安府

道源書院在府治東山王文成公祠後宋乾道元年軍

學教授郭見義闢屋一楹繪周子二程子像祠之嘉定十二年知軍劉強學遷建縣學東瀆祐二年漕臣江萬里屬知軍林壽公創書院寶祐三年知軍吳革據教授趙希哲狀請敕額越三年知軍郭廷堅又狀請詔以周程書院爲道源書院仍令教授兼山長景定四年賜御書道源書院額建雲章閣以藏之置田租以贍學者元泰定元年推官汪澤民建大成殿其後總管趙仁舉大庾知縣高若鳳山長劉倬修明初廢景泰四年知府金潤重建成化間知府姚旭大庾知縣夏璣修建光風霽月亭宏治十三年水圯知府盧濬修復正德十五年知府何文邦擴其制重建光風霽月亭嘉靖二十八年知府陳堯重新萬厯初毀尋復巡按陳效知府宋萬葉推

官鄭道興知縣劉宦成重建

國朝康熙三十二年知府靳襄修增祀程珦三十八年大

庾知縣楊允中修尋又圯雍正十三年知府游紹安遷

今所道光三年知縣石家紹重建同治六年知府黃鳴

珂修

謝志府志

碧蓮書院在文昌宮左同治初知府黃鳴珂建

義學四所知府黃鳴珂捐設

府志

山

舊志誤仙據府縣志及滕玉霄記改正

堂書院在大庾縣常樂里元至

元間里人王邦叔建以訓族黨子弟延祐七年其子晉

卿漢卿同舉於鄉滕玉霄以邦叔號山堂遂扁曰山堂

書院

謝志

府志

滕玉霄記余幼從父師授書時以

於言語文字亦不知有學之樂也中年行四方燕趙齊魯吳越交廣江淮政濟潔閒於學雖知樂之而馳騁不

暇蓋想像山中世外欲求一席者於詩書不可得矣南
安爲庚嶺南來第一州非蠻煙瘴雨之鄉有中州清淑
之氣吾意其間必有瑰奇傑特之士而未之見延祐庚
申江西第二科客有王君晉卿漢卿伯仲舉於鄉訪知
少府山堂先生其家君也年踰九袞精采照人階庭五
桂讀父書奉菽水人間至樂而尊公之志以爲未也惟
以及宗族鄉黨兩願其皆學卽今山堂書院是也余竊
然曰切磋琢磨衛武公之盛心公家君之年似之而德
亦猶是也古之人自幼以至長自家以及國無非在學
正心修身齊家治國之道根於心見於事無施不可何
則其素所學然也山堂公不以其毫而廢學君之昆季
守其學而益致焉則宗族鄉黨皆須其學之成而用於
世三代之學見於今日威哉燕山賈氏豈
多讓焉吾今知以百歲爲千載者斯人也

梅國書院在府城西門外明兵備陶諧爲邑人劉節建

謝志

社學七所

府志以大吏

旭嶺書院在南康縣治北二里明嘉靖二年通判黃廷
宣因宋相陳升之書臺舊基重築十三年知縣汪宣之

丞王泰構堂及樓隆慶間知縣余世儒修聚士講學其

中謝

旭升書院在東門外清貞觀廢趾乾隆八年知府游紹

安建同治九年邑人修

府志

社學四所

府志以上南康以

太傅書院在上猶縣西北太傅山宋泊祐十二年知軍

陸鎮行縣請於朝創建設山長撥妙聖寺田五百畝贍

學者先是唐末本里石門邨盧光稠節度本州兼治韶

州韶人德之爲立廟詔贈太傅故山以太傅名書院又

以山名元大德間縣簿

一作尉

劉彝訓

一作顧

延蔡壁爲山

長文教大振延祐間達嚕噶齊巴延察爾

原作伯修謝顏察兒志

興文書院在縣治東一里明宏治間知縣章爵建萬歷

二十一年知縣鄺舊志作擴今更正懷德改建城內謝志縣志

永清書院在縣治東資壽山下乾隆九年邑人鍾我捐

建井捐田租六百餘石書籍數千卷道光十九年知縣

王同治西金額修二十九年知縣岑蓮乙修縣志

社學一所府志以上猶以

陽明書院在崇義縣治西乾隆三十年知縣羅洪鈺改

行署建書院曰旗陽道光元年知縣王統鈞修十三年

知縣王修地捐修添建號舍同治二年知縣汪寶樹四

年知縣馮寶山率邑人重新易今名府志

蔚起義塾在十字街東康熙三十二年邑人陳日昇建

謝志

社學四所府志以上崇義以

江門通志卷之二十三 書院二
贛州府

濂溪書院在府城小南門內宋周敦頤通判虔州與二程講學後人建祠於贛水東玉虛觀左元末兵燬明洪武四年知贛縣崔天錫重建陳益民繼修宏治十三年知府何珖改建鬱孤臺下正德十二年巡撫王守仁遷舊布政司故址區曰濂溪祠堂嘉靖十年巡撫陶諧修崇禎十三年因遷縣學知贛縣陳履中遷建光孝寺左卽今所改稱廉泉書院

國朝順治十年贛撫劉武元改稱濂溪書院推官周令樹知贛縣楊文正設周子二程子文天祥木主於大堂後爲守兵所據知府郎永清檄復之康熙三十三年巡道白啟明知府任進爵修

宋蔡記古者務修實行不立理學之名迨宋儒用理學相倡導

各有師承而書院乃立顧書院之盛惟江西最而親蒞
其地以率先斯道者要以濂溪周子爲首自周子出始
有程朱之徒遞相授受而教行天下後世是故孔門四
氏而外從祀孔廟者必首周以次及諸儒所謂理學統
宗者斷歸乎此我皇上崇儒重道一駕幸
闕里復頒匾榜於四大書院而又追朔程朱之學原本
周子詔求其後人增置博士又數年脩南副使白君啟
明與虔州守任君進爵有與復濂溪書院之舉而請余
文記諸石余聞楚蜀江粵所在崇祀濂溪書院而西
江爲尤盛者蓋周子嘗官分甯簿繼理南安旣又倅虔
州改令南昌遷南康守是西江實周子過化存神地而
虔州又與國令程公始命二子從遊以開伊洛之先者
也故書院之在西江較他省爲盛其在虔州較他郡邑
尤盛奚怪焉周子出處本末不外一誠後之論學者日
出而卒無以尙其著爲太極圖說以謂聖人定之以中
正仁義而主靜上人極易通又曰誠者聖人之本夫主
靜立極太極之所以全也太極者誠也後人疑無極之
說近於虛寂豈知無極而太極蓋言無形之中而有至
理固合動靜而貫之者哉予不敏開府是邦嘗慨西江
爲統宗則正學日益繁壞而不可收拾竊聞二程子初
謁周子於虔州謂吟風弄月得吾與點也之趣然則周
子之立誠徹乎性命廓乎天地萬物而直接古聖賢於
春風沂水閒不惟盡釋俗儒之疑而西江學者亦可自

此而興矣書院舊建水東旋遷鬱孤臺側今在光孝寺
左順治癸巳虔撫劉公改濂溪書院以舉其廢者康熙
丁巳蹂躪於降寇地經三遷今白君成前堂將為士子講
之堂廡庖廩井井有序閱三月告成前堂將為士子講
學課文地其後附記二程子及蘇文忠王文成二公文
忠公嘗來遊題廉泉詩而文成公撫南贛論學於此益
以劉公武元湯公斌皆有功德於民者例得並祀余嘉
二君之意而望西江學者自治治民必識所歸而後可
詩味春風沂水之趣也於是乎書
四十八年知府朱光圉修雍正元年
巡道王世繩增修王世繩記濂溪書院由來舊矣自宋
之學上接洙泗千載之秘下開河洛百世之傳朱子謂
不有先覺誰開後人宜祀之久而弗替也康熙壬寅余
奉命分巡贛南祇謁先生祠始於貢水東尋遷鬱孤
臺明崇禎庚辰移於允孝寺左廉泉側名廉泉書院及
國朝順治癸巳改廉泉為濂溪其詳俱載濂溪紀事及
郡志碑記中惟東西兩講堂創於己丑庚寅前此未之
有也地既宏敞泉復清冽不亞鹿洞鵝湖諸勝惜風雨
飄搖日久漸圯因慨然念前人締造之艱一旦鞠為茂
草其何以妥先賢而育多士亟謀葺之命經歷魯承化
董其事缺者補圯者修一切工料諸費共若干悉捐清
俸不勞民力不傷民封至臺下之池周以欄而倚弗架
閣前之泉護以石而亭弗建非憚煩惜費從輿論也經

始於壬寅八月以癸卯五月落成中祀瀾溪先生二程
子文信國公王文成公湯荆峴公益以楊文靖公以其
立雪程門又嘗歷仕處州者仍別祀蘇文忠公於庫泉
魁星閣他如有功書院若王公之良陳公履忠劉公武
元蘇公宏祖郎公永清宋公舉白公洪明任君進爵朱
公光園悉移祀於西講堂示不敢與先賢並也每歲春
秋祭瀾溪祠畢別祭之夏拔十二邑生童有志者肄業
其中以府學教授趙君與鴻司講席書院故有學田濬
稅舊府縣兩學司之暫撥歸賴令收其稅供祭祀外為
師生束脩膏火資不足佐以余俸每季親往督課加獎
勸白癸卯迄今丁未五年矣夫崇祀先賢古制也振興
文教官斯土者之責也況有書院以來或創或修碑志
可考余仍舊貫非有所加也何必記第恐代遠年湮久
而失實因詳其原委鐫諸石俾後之君子參稽焉是為
記

乾隆八年巡道朱陵知府汪宏禧拓修十七年巡道
方浩修二十四年巡道董榕增建瀾溪祠三十六年知
贛縣衛謀修四十三年知府賈忻建夜話亭嘉慶八年
巡道蔣攸銛十八年巡道查清阿修道道光三年巡撫程
含章捐修十三年知府汪云任增修二十七年巡道李

本仁同治二年署道王德固先後修

謝志府志

先賢書院在府城阜城坊東宋寓賢楊方故宅其門人

陳華請於朝賜額以祠淳熙元年提刑趙晟

原失名據府志補

改建書院元大德間山長王天與修尋圯明正統間通

判鄭暹重建後爲居民所佔正德間知府邢珣勘復易

名義泉後爲東坊社學

謝志

陽明書院在鬱孤臺下明巡撫王守仁講學處久廢

國朝道光二十二年知府王藩重建

謝志府志

愛蓮書院在贛縣北隅督學試院後宋乾道中通判羅

願愛蓮堂遺址舊爲通判署

國朝道光二十八年巡道李本仁捐俸議建書院未成同

治二年署道王德固署知府叢占鼐籌費創建

府志

社學四所

府志以
上贛縣

思皇書院在雩都縣治生佛寺東明萬厯閒知縣竇啟

臯建

謝志

龍門書院在小西門外

謝志

濂溪書院在羅田巖明何廷仁黃宏綱羅洪先講學所

謝志

雩陽書院在縣東舊在西門外乾隆十四年知縣左修

品建嘉慶五年圯道光三年巡撫程含章檄知縣向應

桂修遂遷今所知縣黃濬張溥相繼成之咸豐閒寇燬

同治六年知縣顏壽芝率邑人修復

府志

社學二所

府志以
上雩都

桃溪書院在信豐縣桃江口邑人盧敏建時代失考

謝志

桐山書院在儒學康熙三十六年知縣方正玉建謝志

崇正書院在考棚後舊在儒學右明正德間知縣洗充

始建祀巡撫王守仁

國朝道光三年邑人移建今所府志

蓮山書院在水東九蓮山左麓乾隆三十二年知縣吳

大勳建府志

社學二所府志以信豐

安湖書院在興國縣衣錦鄉宋咸淳八年縣令何時建

以課士文天祥記興國縣夫子廟在治之北門縣六

日衣錦鄉其民生長陡絕險塞或為龍蛇瀆於邦經有

司常罷勉以惠文從事咸淳八年宣教郎臨川何時來

為宰閭然曰使人不可化則性命之道熄矣顧邑校曠

越教不克施迺夏四月即其地得安湖山水之勝議建

書院以風來學召其豪長率屬執事堂庭畢設講肄有

位彙試館下錄為生員二十八人又拔其望四人為之

長冬十一月以牲幣薦於先聖先賢尊俎旗章等威孔
嚴環觀愕眙屏息胥忤黎老婦子轉相傳呼而後翁然
以儒名爲重令曰吾教可行矣載命胥正秩其比伍家
使有塾人使有師如黨庠序之義置進學日記令躬
課其業督以無怠又上諸府改其鄉曰儒學植之風聲
於是山長谷荒人是用勸咸賴進衡文事率由訓程傳
曰天地之道浸言化以漸也風俗之積幾千百年而令
一朝變之固若是速歟恭惟國家五星聚奎實開文明
皇祖制詔天下州縣立學所在表章儒先復創書院三
代以下斯文彬彬焉先民有言地氣白北而南粵從衣
冠正朔敝我吳會自江以南悉爲鄒魯今也遐陬僻壤
沐浴教思如狂得廖如迷得呼王澤之滲漉日深地氣
之推移今日奉天子明訓以字民爲職能廣學宮宣德化
昇不爲辱威命守將上其事於朝復諭之諸生曰昔有
文翁興學於蜀受業博士時則張叔季官弟子畏而懷
之彼何人哉叔兮叔兮又進諸生之長論之曰昔有文
公設教於湖潮人趙德以士見招維文與行倡於齊民
其則不遠德哉若人諸生拱而前曰某等幸生明世維
師帥不鄙吏之俸獲有聞雖不敏敢不受教請刻諸石
以諸百世書院之制前有燕居有杏壇旁爲堂左先
賢祠祠後爲直舍繚齋以廡不侈不濫臨溪爲門堂名
絜矩齋曰篤志求放明辨主善率性成中爲三程祠久
德其門總曰安湖書院予山中所題云

廢明洪武間知縣唐子儀重建正德十四年知縣黃泗遷城內大乘寺嘉靖二十五年署縣事推官林萬湖教諭徐昇修萬厯三十一年知縣何應彪改爲名賢祠書院之名遂廢

國朝咸豐十年鄉人鍾潤蘭等卽初址重建

謝志府志

鴻飛書院在西門外明萬厯間知縣何應彪建

謝志

長春書院在南門外明萬厯間知縣吳宗周建

謝志

澂江書院在北門外儒學左舊在北門外瑤岡下乾隆三年知縣徐大坤因遷學宮遂以舊址建書院三十八年知縣陳椿年復建學宮移書院今所嘉慶十六年邑人修咸豐七年重修

府志

寶賢書院在寶城鄉神仙墩道光十八年鄉人夏侯顯

鄭熠焜捐建府志

文瀾書院在邑南二里咸豐元年邑人卽迴龍閣舊址

建府志

社學二所府志以上興國

湘江書院在會昌縣有三一在射圃後明嘉靖四年邑

人賴貞兄弟捐建一在都察院後縣治左嘉靖四十三

年知縣沈桂建謝志以沈桂所羅洪先題額曰仰高

堂久圯一在縣南門外登雲坊並廢

國朝道光元年知縣方楷捐金謀重建未果十一年因邑

人歐陽俊捐基址改建稱新湘江書院府志

紫雲書院在周田北岡乾隆五年邑人建府志

社學二所府志以上會昌

濂溪書院在安遠縣城舊教場明隆慶六年知縣周景

建謝志

太平書院在南鄉太平堡明隆慶五年知縣周景建謝志

片雲書院在西鄉版石堡雍正間建府志

聚五書院在北鄉重石堡雍正三年建府志

濂江書院在城隍廟右道光十六年知縣陳儁建府志

社學五所府志以上安遠

龍門書院在龍南縣城南門內舊名龍城書院康熙二

十八年知縣鄭謝志世逢建乾隆十八年知縣梁其

光增建六十年知縣左方海改今名道光四年知縣石

家紹重建府志

社學一所府志以上龍南

忠文書院在長甯縣朱邨射鶴里明吉水李邦華幼隨

父讀書於此府志

石溪書院在絃歌門外康熙四十八年一作五十七年知縣邵

錦江建義學於分司署故址未竣六十年知縣蔡寶興

踵成之雍正十一年知縣陶士正遷今所邑人曾宗高

捐建道光八年重修府志

社學一所府志以上長甯

蓮塘書院在定南廳東郊雲臺山舊在崇聖祠左乾隆

七年知縣余應祥創建二十九年知縣黃恂遷今所府志

吳公書院在學宮明倫堂下康熙三十五年知縣吳邇

立建府志

社學四所明隆慶六年建府志以上定南廳

甯都州

梅江書院在南門外龍神廟右舊在拱辰橋宋淳祐六

年州守夙子興始建祀朱子門人曾興宗元延祐二年

兵燬至正閒謹案謝志於延祐二年下接明年誤也據

監州額森布哈原不花重建十年州守趙天澤學正李

賀重修極高明樓危素記極高明樓者梅江書院之樓

肇慶府節度推官曾公樓之扁榜則丞相信國文公所

書蓋若千年矣久之樓壞會濟南趙侯天澤來牧是州

儒學正臨川李君實請於侯曰樓將壓矣公其圖之侯

曰吾之責也乃率州之好義者相與出力積木石備工

役而經營之君上春官而以語同郡危素曰吾於陽都

幸遭賢侯恪承上命以興學明教爲先務是故樓完繕

於敝圯之餘諸生既具石請爲之記蓋極高明之語載

諸中庸其義宏矣昔者曾公遊於新安朱子之門幾二

十年朱子以純茂爲寶切己致思用工正當稱之方慶

元開羣凶枋國詆排正學斥逐善類一時學者諱名其

師曾公執禮益虔未始少挫師旣沒星馳弔哭服心喪

三年則於死生患難處之有素非所造極於高明其能

然邪以是名其樓託意深遠矣來遊於斯者憑高而四顧山高川迥萬象軒豁超然吟風弄月之趣細故芥蒂無復滯留其胸矣將與舞雩歸者同其樂焉雖然易傳有之智崇禮卑崇效天中法地極高明者智之崇也子思子所謂道中庸者其亦禮卑法地之意歟因久廢記其樓而并以所聞者質之是邦之學者云爾

國朝乾隆三十三年督學金甡捐貲創建移今所嘉慶五年圯十七年知州黃永綸重建道光二年劉丙增修咸

豐七年燬

謝志州志

綿江書院在瑞金縣城西隅初稱鄉校明嘉靖間知縣王鈺建四十年閩廣寇發駐兵於縣改爲行臺隆慶三年知縣呂若愚修復增建號舍祀巡撫王守仁以前令王鈺配之額曰綿江萬厯八年毀天下書院知縣黃起先易爲社學尋復其後二十六年邑人增祀呂若愚

國朝康熙三十四年知縣田俞邑諸生劉嘉廣等修復五

十八年知縣任湮增修乾隆二十七年知縣莊楠修復

後為致道堂前為縣試文場嘉慶二十一年知縣蔣方

增率邑人重修謝志縣志謹案謝志別有文成書院所記乃綿江書院事考縣志無文成

書院也茲據正

社學一所州志以上瑞金以

琴江書院在石城縣北門外清源廟側舊在縣治南宋

時建

國朝乾隆四十五年知縣楊柏年移建今所嘉慶十三年

知縣李成蹊增修咸豐七年燬同治六年知縣劉書畬

率邑人重建謝志縣志

龍門書院在縣西騎馬嶺明萬歷三十五年知縣黃廷

鳳建謝志

長松書院在長松鄉豐上里同治十年建縣志

屏山書院在陽陂鄉石中里同治五年建縣志

社學一所州志以上石城以

江西通志卷八十二